

四庫全書

集部

欽定四庫全書

集部

文選卷四十七

詳校官庶吉士<sub>臣</sub>汪彥博

助教<sub>臣</sub>常循履勘

總校官編修<sub>臣</sub>王燕緒

校對官中書<sub>臣</sub>吳紹昱

謄錄監生<sub>臣</sub>邱卿雲

欽定四庫全書

文選卷四十七

梁昭明太子蕭統編

唐李善呂延濟劉良張銑呂向李周翰注

頌

聖主得賢臣

頌

善曰漢書曰王褒既為益州刺史

言褒有軼才上乃徵褒既

王路為聖主得賢臣頌

王子淵

夫荷旃被毳者難與道純繇之麗密

善曰應劭曰不知純繇之密也璣以

為純繇良曰荷負也旃毳也純繇繒帛

也言夷狄負氊服毛者難與論繒帛之麗密也

含五臣搜去者不足與論太牢之滋味善曰服虔曰含音含搜乾食也

翰曰藜藿野菜含食也搜麥飯也太牢牛也言

人食藜藿搜飯者不足與說太牢之滋味也

在西蜀生於窮巷之中長於蓬茨之下善曰戰國策張儀曰蜀西僻之

國而戎翟之長也風賦曰起於窮巷之間列子曰北宮子庇其蓬室若廣厦之蔭廣雅曰茨覆也銑曰蓬茨

草所以覆屋者無有游觀廣覽之知顧有至愚極陋之累不足

以塞厚望應明旨雖然敢不略陳五臣愚心而抒情素善

戰國策蔡澤說應侯曰公孫鞅事孝公竭知謀示情素  
濟曰王襄秦襄有逸才帝微之故謀云不充厚望明  
旨謂宣帝命也言雖不足充厚望敢記曰恭惟春秋法  
不迷愚心而中情素也塞充抒中也

五始之要在乎審已正統而已

善曰服虔曰恭恭敬也胡廣曰五始一曰元二

曰春三曰王四曰正月五曰公即位 翰曰自為此頌之記也上為謙辭此立文首也 向曰惟思也言敬思

春秋也五始謂元年春王正月公即位也元者氣之始春者四時之始王者受命之始正月者政教之始公即位者一國之始也此五者在乎君王夫賢者國家之器

審已而行之正位以統理天下而已

用也所任賢則趨舍省而功施普

銑曰國家所任官得賢人則進退所

作者省而太平之功畢施聖賢之德廣矣趨進舍退普廣也

器用利則用力少而就

效衆

濟曰亦如賢人於國則不費人力而成功多也就成功效衆多也

故工人之用鈍

器也勞筋苦骨終日砭砭

苦骨反 砭砭勤作也亦如國之用愚

人如淳曰砭砭健作兒

及至巧冶鑄干將之璞

五臣作撲清水淬子其

鋒越砥斂其鏑

善曰越絕書曰楚王召風胡子而問之曰寡人聞吳有干將越有歐冶願此二

人為鐵劍吳越春秋曰干將者吳人造劍二枚一曰干將二曰莫耶郭璞三蒼解詁曰焠作刀鑒也焠子妹切鑒工練功說文云鏑劍刀也晉灼曰砥石出南昌故曰越砥應劭曰傳曰得一寶劍不如一歐冶歐冶即巧冶也良曰巧治善鑄劍人也干將劍名撲劍未理者淬謂燒刃令熱漬於水中也鋒刃也越砥磨石名也斂謂磨也鏑亦刃也水斷蛟龍陸剗犀革忽若墜泥畫塗  
善曰韓非子曰負長

劍赴榛薄折兕豹赴深淵斷蛟龍字林曰刺截也漢書  
音義曰刺章充切如淳曰若以簞掃於汜灑之處也簞  
音遂塗路也銑曰刺斬也犀獸名羊皮也簞帚也汜  
灑地也塗泥也言以利劍斬斷蛟犀忽若以帚掃汜灑  
之地以刀畫泥中言其易也若  
國用賢臣化惡反善有如此也如此則使離婁督繩公

輪削墨雖崇臺五層延袤百丈而不溷者工用相得

也善曰孟子曰離婁之明趙岐曰古之明目者也黃帝  
時人鄭玄禮記注曰公輸若匠師也般若之族多伎  
巧者也史記曰蒙恬築長城延袤萬餘里王逸楚辭注  
曰溷亂也胡困切翰曰督正也削度也延長也袤廣  
也溷亂也言巧拙之理且如土之所述則更使明目者  
正繩巧工者度墨雖高臺五層長廣百丈而規矩不亂  
者工用之相得故也國  
不亂者得賢之效也庸人之御駑馬亦傷吻弊筭臣五

作敝而不進於行宵喘膚汗人極馬倦向曰御駕也驚

勞策鞭也言人駕劣馬則傷馬口勞策而不進行宵喘而膚汗人亦因極馬亦疲倦不肖之人理國則勞下

人繁刑法國既及至駕齧膝驟乘去旦善曰應劭曰馬怒有餘氣常齧

膝而行也張晏曰齧膝乘旦皆良馬名夕王良執靶霜

韓哀附輿善曰張晏曰王良御無卹也世本云韓哀侯作御也時已有御此復言之加其精巧也音

義或曰靶音霸謂轡也銳曰縱騁馳驚忽如影五臣

王良韓哀古善御者輿車也銳曰縱騁馳驚忽如影五臣

靡良曰靡沒也言上良馬良御縱過都越國蹶如歷塊濟曰越過蹶疾也言過都追奔電逐遺風善曰遺風風

國疾如行歷一小塊之間追奔電逐遺風善曰遺風風



翰曰電風皆

謂疾也

周流八極萬里一息何其遼哉人馬相得也

向曰八極八方也遼遠也言此良馬良御何其遠哉此  
人馬相得之勢也使聖主得賢臣而用之亦如此也

故服絺紵

五臣作絺

之涼者不苦盛暑之鬱燠襲狐貉

五臣作貉

之煖者不憂至寒之淒滄

五臣從心

何則有其具者易其備

善曰論語曰當暑紵絺絺孔安國曰絺絺葛也論語曰  
狐貉之厚以居翰曰鬱燠熱也襲衣也狐貉裘也淒

愴寒之甚也夫服葛衣之涼不苦盛暑之熱衣狐裘之  
煖不憂至寒之甚者蓋有具而易為備也故國有賢臣

亦無憂也

賢人君子亦聖王之所以易海內也

五臣無也

是以嘔

吁喻

受之開寬裕之路以延天下之英俊也

善曰應助曰嘔

喻和悅兒嘔一侯切 向曰易謂海內易理 夫竭智附

賢者必建仁策索人求士者必樹伯迹

良曰為人君當竭盡智力託附

賢臣必立仁惠之策故賢臣歸之擇人 昔周公躬吐握

求士必樹霸王之迹也索擇伯霸也

之勞故有圉

五臣

空之隆

善曰韓詩外傳曰成王封伯禽於魯周公誠之曰無以魯

國驕士吾一沐三握髮一飯三吐哺猶恐失天下之士也文子曰法寬刑緩因圉空虛 濟曰握提隆盛也餘

同善 齊桓設庭燎之禮故有匡合之功

善曰韓詩外傳曰齊桓公設庭

燎為士之欲造見者暮年而士不至於是東野人有以九九見者桓公使戲之曰九九足以見乎鄙人曰臣不以九九足以見也臣聞君設庭燎以待士暮年而士不至夫士之所以不至者君天下之賢君也四方之士皆

自以為不及君故不至也夫九九薄能而君猶禮之況  
賢於九九者乎桓公曰善乃禮之暮月四方之士相還  
而並至矣論語子曰管仲相桓公一匡天下民至于今  
受其賜又子曰桓公九合諸侯不以兵車管仲之力也

注同 翰 由此觀之君人者勤於求賢而逸於得人人臣亦

然 善曰呂氏春秋曰賢主勞於求賢而逸於治事 銑  
曰逸樂也言君王勤於求賢必樂得其賢人也為人

臣亦助君勤求 昔賢者之未遭遇也圖事揆策則君不  
賢良是以忠矣

用其謀陳見悃 苦 誠則上不然其信 善曰郭璞三蒼解  
本 詰曰悃誠信也

向曰揆度 進仕不得施效斥逐又非其愆 良曰賢臣不  
悃至也 見信用雖進

仕於朝不得施用其功效而為 是故伊尹勤於鼎俎太  
邪臣讒疾已遭斥逐又非其過

公困於鼓刀百里自鬻甯子飯牛離此患也

善曰魯連子曰伊尹

負鼎佩刀以干湯得意故尊宰舍尉繚子曰太公屠牛朝歌文子曰伊尹負鼎而干湯呂望鼓刀而入周孟子曰萬章問曰或曰百里奚自鬻於秦要秦穆公信乎孟子曰不然好事者為之也呂氏春秋曰甯戚飯牛車下望桓公而悲擊牛角疾歌

濟注同

及其遇明君遭聖主也運籌合上意

諫諍則見聽進退得闕其忠任職得行其術

翰曰闕猶用

去

卑辱與

六於

潔

薛

而升本朝離蔬釋躋

脚

而享膏粱

善曰張晏

曰與幽也潔狎也辱汙也如淳曰與音郁應劭曰離此蔬食釋此木腐躋按躋以繩為屨也國語藥伯請公族大夫晉悼公曰夫膏粱之性難正也賈逵曰膏肉之肥者粱食之精者言其食肥美者幸驕放其性難正也

向注  
剖符錫壤而光祖考傳之子孫以資說  
士  
銑曰

也符者所以諸侯與天子分之各執一契舉動所為必  
合之於契然後承命而行之錫賜壤土也言賢人能立  
太平之功天子乃分符賜土以為諸侯光其祖考傳  
業子孫此則使賢士有所資益而喜悅勸其將來也故

世必有聖智之君而後有賢明之臣  
五臣  
虎嘯而谷  
臣

本無  
風冽龍興而致雲氣  
五臣  
無氣字善曰周易曰雲  
從龍風從虎管輅別傳曰龍

者陽精以潛于陰幽靈上通和氣感神二物相扶故能  
興雲虎者陰精而居于陽依木長嘯動於巽林二物相  
感故能運風  
翰曰君聖然後可見賢臣君暗則賢  
人皆隱如虎嘯感風而清龍起感雲而隨也冽清也  
蟋  
蟀侯  
五臣  
秋吟蜉  
浮  
蟪  
由  
出以陰  
善曰易通卦驗曰立  
秋蜻蛚鳴蔡邕月令

章句曰蟋蟀蟲名世謂之蜻蛚也毛詩傳曰蟋蟀渠略也又蟲魚疏曰渠略甲下有翅能飛夏月陰時出地中

向曰蟋蟀蟋蟀皆蟲也候時而鳴知陰以易曰飛龍在出言如賢人待明君而仕知明時而見也

天利見大人

善曰乾卦之辭也龍以喻大人言飛龍在天喻聖人之德顯故天下萬物皆利見之

王肅曰大人在位之日也銳曰初九潛龍勿用今飛在天則時以通泰故大人起治萬物而萬物利見之大

人則天子也

詩曰思皇多士生此王國

善曰毛詩大雅文也毛萇曰皇天也鄭玄

曰思願也願天多生賢人於邦

良曰皇美也

故世平主聖

俊乂將自至若堯舜禹湯文武之君

濟曰文武文王武王也

獲稷

契臯陶伊尹呂望之臣明明在朝穆穆列布

善曰尚書曰厥后惟

明明又曰則以穆穆在乃位 翰曰明聚精會神相得  
明穆穆皆美也列布謂分布職位也

益章雖伯牙操箏

五臣作號

鐘蓬

五臣作蓬

門子彎烏號猶未足

以喻其意也

善曰晉灼曰箏音迭逝之逝二十四鐘各有節奏聲之不常故曰逝鐘瓚以為楚辭

曰奏伯牙之號鐘馬融長笛賦曰號鐘高調號鐘琴名也謂伯牙以善鼓琴不說能擊鐘也且漢書多借假或  
以箏為號不得使以迭逝判其音也孫卿子曰羿蠡門  
善服射者也吳越春秋陳音曰黃帝作弓後有楚狄父  
以其道傳羿傳蓬蒙漢書曰黃帝鼎成龍迎黃帝黃  
帝上騎小臣持龍髯龍髯拔墮墮黃帝之弓百姓仰望  
黃帝龍髯號故名其弓曰烏號 良曰聚其精爽會其神  
理君臣道合加以相明上下不疑德義諧和則雖伯牙  
操琴逢門子彎弓其音韻合和弓矢  
必中亦未足以喻此君臣之意也

故聖主必待賢臣

而弘功業俊士亦俟明主以顯其德

良曰俟待也

上下俱欲

惟五臣然交欣

翰曰上下謂君臣也言君臣相欲也

千載一會論說無疑

向曰君臣之道不疑雖左右論說其非者不信也

翼乎如鴻毛遇順風沛乎若

巨魚縱大壑

善曰春秋保莧圖曰神明之應疾於倍風吹鴻毛銑曰言君臣道合如鴻鵠遇風

一舉千里如大魚游縱於大川得其性也翼飛疾兒沛大水兒其得意如此則胡禁不

止曷令不行

濟曰胡曷卧何也

化溢四表橫被無窮遐夷貢獻

萬祥必臻

良曰化滿四方被于無窮而遠方蠻夷歸我君德以貢獻土物而萬善必至也

是以

聖主不徧窺望而視已明不殫傾耳而聽已聰

翰曰言賢臣為



君耳目故君不徧盡視聽已聰明矣彈盡也

恩從祥風翔德與和氣游太平

之責塞優游之望得

善曰為君之道冀太平而優游今已太平是責塞也今已優游是望

得也史記泄公曰今王已出吾責塞尚書大傳曰周公作樂優游三年向曰天子恩德與祥風和氣翔游於

四方則太平之理永充於天下人乃得優游之望也責求也塞充也

遵游自然之勢恬

淡無為之場

善曰莊子曰夫恬淡寂寞虛無為此天地之平而道德之至

言法自然之道致心恬淡之義游於無為之境以治其身而天下正也

休徵自至壽考無

疆雍容垂拱永永萬年

善曰尚書曰垂拱而天下治濟曰雍容閒和兒言天子靜思

乃閒和垂拱拱手天下自治祿福萬年永長也

何必偃仰詘信

五臣作屈申

若彭祖

煦吁噓虛呼吸如喬松眇然絕俗離世哉

善曰莊子曰吹噓呼吸吐

故納新熊經鳥伸為壽而已矣彭祖壽考者之所好也列仙傳曰王子喬好吹笙道人浮丘公接以上嵩山又曰赤松子者神農時雨師也至崑崙山上常止西王母石室中翰曰言我化理天下人歸大道壽考無疆永永萬年何必謝於彭祖七百之壽喬松千

士文王以寧蓋信乎其以寧也

向曰濟濟威兒多士衆賢也寧安也言此衆賢

文王得之以安今信此言可以安也

趙充國頌

善曰漢書曰成帝時西羌嘗有警上思將帥之臣追美充國乃召黃門郎楊雄

即充國圖畫而頌之

# 揚子雲

明靈惟宣戎有先零伶先零猖狂侵漢西疆善曰漢書曰諸羌先

零豪然先零羌別號漢書宣紀曰元鳳元年西羌反  
翰曰聖明神靈惟我宣帝也能廣大其德奄有諸羌而  
猖狂背叛侵於西疆也  
漢命虎臣惟後將軍整我六師

是討是震音真協韻善曰毛詩曰進厥虎臣閭如虓  
虎漢書曰昭帝時擢充國為後將軍漢書曰

遣後將軍趙充國擊西羌毛詩曰整我六師以脩我戎  
又曰徐方震驚良曰虎臣即充國也言其猛如虎也

充國為後將軍將軍故曰後將軍惟辭  
也六師六軍也震懼也言羌人懼之  
既臨其域喻五臣作論

以威德善曰漢書曰充國至西部都尉府欲以威信招  
降罕开乃上疏曰因田致穀威德兼行濟曰

臨羌人之域宜喻天子威德以示之欲令其降也

有守矜功謂之弗克

善曰酒泉太守

言充國屯田非便不如擊之論語識曰重耳反譎伐德矜功銑曰有守謂酒泉太守辛武賢也奏宣帝請擊罕

开帝使與充國共討之充國喻之使降武賢謂充國曰喻其使降不勝擊之故云弗克克勝也矜功自說有能也

請奮其旅于罕之羌

善曰韋昭曰罕羌名也蘇林曰在金城南武賢言但擊罕羌先

零自降也向曰辛武賢請震其兵衆以擊之奮震旅衆也

天子命我從之鮮陽善

應劭曰宣帝使充國共計罕升於鮮水陽銑注同

營平守節屢奏封章

善曰漢書曰充

國封營平侯屢奏封章言屯田之便不從武賢之策良曰守節謂守忠勇也屢奏封章謂頻進表言勝捷之

事也料敵制勝威謀靡亢

音剛制行兵因敵而制勝李奇漢書

注曰制折也 濟曰料計靡無亢拒也言計遂克西戎其前敵制度勝否其兵威深謀不可拒當也

還師于京

善曰漢書曰充國奏言凡斬首七千六百級降者三萬一千二百請罷屯兵奏可充國振

旅而還 曰克勝也

翰 鬼方賓服罔有不庭

善曰毛詩曰內異于中國覃及鬼方毛萇

曰鬼方遠方也世本註曰鬼方於漢則先零戎是也尚書曰惟周王四征弗庭 向曰鬼方謂遠方也罔無也

言無有不臣 伏於帝庭也 昔周之宣有方有虎詩人歌功乃列于雅

善同銑注

銑曰宣謂周宣王也方謂周卿士方叔也

虎召穆公名詩小雅云方叔涖止其車三千大雅云王命召虎式辟四方美其賢有中 在漢中興充國作武起與之功可以為天下儀則也

趙桓桓亦紹厥後

五臣作緒 善曰毛詩曰趙趙武夫公侯于城尚書曰武王曰勗哉夫子

高桓桓良曰時漢室稍至陵遲及宣帝即位時稱中興也趙趙桓桓武兒也班固贊美宣帝比德殷宗周宣之主故充國亦可  
以紹周宣之臣也

### 出師頌

善曰范曄後漢書曰鄧騭字昭伯女弟為和熹皇后安帝立騭為虎賁中郎將封上

蔡侯涼部叛羌搖蕩西州詔騭將兵擊之車駕幸平樂觀餞送騭西屯漢陽征西校尉任尚與羌戰大敗之遣中郎將迎拜騭為大將軍既至大會羣臣賜以束帛乘馬

### 史孝山

善曰范曄後漢書曰王莽末沛國史岑字孝山以文章顯文章志及集林今書

七志並同皆載岑出師頌而流別集及集林又載岑和熹鄧后頌并序計莽之末以訖和熹百有餘年又東觀漢記東平王蒼上光武中興頌明帝問校書郎此與誰等對云前世

史岑之比斯則莽末之史岑明帝之時已云  
前世不得為和熹之頃明矣然疑有二史岑  
字子孝者仕王莽之末字孝山者當和熹之  
際但書典散亡未詳孝山爵里諸家以孝山  
之文載於子孝之集非也鵠則鄧后之兄元  
舅則鵠也 鵠曰文章志及今書七志並云  
史岑字子孝出師頌史籍無傳此頌  
蓋後漢安帝舅鄧鵠出征西羌之頃

茫茫上天降祚有漢

句曰茫茫廣大兒祚福也

兆基開業人神攸贊

五臣作讚  
兆始也攸所也

銳曰

五曜霄

五臣作宵

映素靈夜歎皇運來授

萬寶增煥

善曰漢書曰元年冬十月五星聚于東井沛公至霸上應劭曰五星所在其下以義取天

下也又曰高祖夜經澤中有大蛇當徑拔劍斬蛇蛇分  
為兩後人至蛇所有一嫗夜哭人問嫗嫗曰吾子白帝

子化為蛇常道今者赤帝子斬之也

濟

歷紀十二天

日五曜五星也宵夜也數則哭也餘注同

命中易 善曰漢書曰漢起元高祖終于孝平王莽之誅十有二世也 良注同

西零不順

東夷遘逆

善曰西零即先零也 西零西羌也遺作也

濟

乃命上將授以雄

戟

善曰子虛賦曰建干將之雄戟 鄧騭也投謂天子投與之也雄戟兵器也

向曰上將

桓桓上

將寔天所啓

善曰桓桓武兒也左氏傳晉侯賜畢萬魏 卜偃曰以是始賞天啓之矣 銑曰寔實

啓開也言實天

所開其忠勇也 允文允武明詩悅禮

善曰毛詩曰允文允武昭格烈祖左

氏傳趙衰曰邾穀悅禮樂 而敷詩書 良曰允信也

憲章百揆為世作楷

善曰禮記曰仲

尼憲章文武尚書曰納于百揆禮記曰今 世行之後世以為楷 向曰揆度楷則也

昔在孟

五臣作盟



津惟師尚父

善曰尚書曰武王伐殷師渡孟津毛詩曰維師尚父時惟鷹揚諒彼武王

向曰武

王伐紂次盟津太公為師盟津河也尚父太公也

素旄一麾渾一區宇

善曰鬻子曰武

王伐紂乃命太公把旄以麾之紂軍反走尚書曰王右秉白旄以麾

翰曰素旄旗類太公執之一麾軍士而

破紂軍天

蒼生更始朔風變律

五臣作楚猶黔首也尚書曰至于

海隅蒼生朔北方也楚南方也史記子貢問樂曰舜彈五絃之琴歌南風之詩而天下治紂為歌朝北鄙之音身死國亡何也夫南風之詩者生長之音舜樂好之故天下治也夫北者敗也鄙者陋也紂樂好之故身死國亡

良曰

蒼生百姓也更始謂新立法制以便利下人去紂暴虐之理也謂天子居南面而稱尊故北風以變

化於南楚也

薄伐獫狁至於太原

善曰毛詩小雅文也鄭玄曰薄伐言逐出

之而已向曰獫狁北狄也薄伐言不殺戮逐之於邊而已太原地也詩人歌之猶歎其

艱況我將軍窮城

五臣作域

極邊鼓無停響旗不斃寒澤霑

遐荒功銘鼎鉉

音玄協韻銘者論譔其先祖之德美功烈勲勞而

善曰禮記曰夫鼎者有銘

酌之祭器自成其名馬周易曰鼎金鉉銑曰言太公薄伐詩人尚以為艱難而況乎鄧騭至遠邊鼓旗不捨

宣帝澤於遠荒而功銘於鼎鉉鼎杠也乃著述人通言之

我出我師于彼西疆

善曰毛詩

云我出我車于彼牧矣向曰我出謂鄧騭出也我師謂天子之軍也西疆西戎也

天子餞我路

車乘黃言念伯舅恩深渭陽

善同翰注翰曰天子餞送鄧騭也伯長也鄧騭安

帝長舅也詩云我送舅氏曰至渭陽何以贈之路車乘黃路車駟馬車也乘黃馬色也言天子之恩於舅氏深

也介珪既削列壤酬勲

善曰毛詩曰錫爾介珪以作爾寶向曰介珪諸侯所執長尺

二寸削剖也言將封隲為諸侯也列壤謂分土也勲功也

今我將軍啓土上郡

善曰尚書

曰建邦啟土也

銑曰啟開也上郡謂隲所封也

傅子傅孫顯顯令問

善曰毛詩曰假

樂君子顯顯令德又曰令問令望翰曰令善也人有積善則天下相問者皆稱其善故曰令問也

### 酒德頌

劉伯倫

善曰臧榮緒晉書曰劉伶字伯倫沛國人也志氣曠放以宇宙為狹著酒德頌

為建威參軍卒以壽終向注同

有大人先生

向曰假為辭也

以天地為一朝萬期為須臾日月

為扃牖八荒為庭衢

銑曰言志廣大也以天地開闢以來為一日也萬歲之期為少時也

扃牖門也八荒八方也

行無轍跡居無室廬

善曰老子曰善行無轍迹馬融琴賦曰遊

閉公子中道失志居無室廬罔所自置 守愚時人不見其行跡人不知其所居室故云無也 幕

天席地縱意所如

良曰如往也

止則操卮執觚

姑動則挈榼

提壺

善曰說文曰榼酒器也苦闔切 曰操挈皆執也卮觥榼壺皆酒器也

唯酒是務焉

知其餘

翰曰專於飲酒不知其餘事也

有貴介公子縉紳處士

善曰左氏傳曰

伯州犂謂鄭皇頡曰夫子為王子圍寡君之貴介弟也司馬相如封禪書曰因雜縉紳先生之略術臣瓚曰縉赤白色紳大帶應劭風俗通曰處士者隱居放言向曰介大也縉紳服飾也處士有德之稱 聞吾風

聲議其所以

鈍曰吾則先生自稱也言公子處士風乃

奮袂攘衿怒目切齒

善曰北征賦曰遂奮袂而北征戰國策張儀說魏王曰天下遊士莫

不瞋目切齒良曰此

陳說禮法是非鋒起

善曰春秋感精符曰

禍亂鋒起君若贅旒濟曰說禮經法制以示

先生於

是方捧鬯承槽

五臣從未銜杯

五臣

漱醪

善曰劉熙孟子注曰槽者齊俗

名之如酒槽也

翰曰先生不聽

奮髯踣

舉據枕麴

藉糟

善曰漢書曰朱博遷琅邪齊部舒緩博奮髯抵几曰觀齊兒欲以為俗耶又曰尉佗麴結箕踞

言動髯展足倚據而坐旋復枕麴鋪槽而卧也

無思無

慮其樂陶陶

善曰毛詩曰君子陶陶  
向曰陶陶和樂兒

兀然而醉豁

五臣作悅

爾而醒靜聽不聞雷霆之聲熟視不覩

五臣作見

泰山之形

不覺寒暑之切肌利

五臣作嗜

欲之感情

善曰莊子曰知反於帝宮見黃帝而

問焉曰何思何慮則知道  
黃帝曰無思無慮始知道

俯觀萬物擾擾焉如江漢之

載浮

五臣無浮

萍

善曰廣雅曰擾擾亂也焉如猶何如也  
向曰言見萬物如水中萍草隨其風波

二

豪侍側焉如螺

果

贏

力

之與螟

名

蛉

音靈

善曰二豪

公子處士也隨已

而化類螺贏之變螟蛉也法言曰螟蛉之子螺贏祝曰  
類我久則肖之矣速哉二三子之化仲尼也李軌曰螟

蛉余蟲也螺贏蜂蟲也肖類也蜂蟲無子取桑蟲蔽而  
墮之幽而養之祝曰類我久則化而成蜂蟲矣速疾哉

二三子受學仲尼之化疾也也向曰二豪謂公子處士也螺贏螟蛉彼小蟲也言此二人侍我之側何如此蟲言見之微小也焉何也

### 漢高祖功臣頌

#### 陸士衡

相國鄼文終侯沛蕭何相國平陽懿侯沛曹參太子少傅留文成侯韓張良丞相曲逆獻侯陽武陳平楚王淮陰韓信梁王昌彭越淮南王六黠布趙景王大梁張耳韓王韓信燕王豐盧綰長沙文王吳芮荆王沛劉賈太傅

安國懿侯王陵左丞相絳武侯沛周勃相國舞陽侯沛  
樊噲右丞相曲周景侯高陽酈商太僕汝陰文侯沛夏  
侯嬰丞相潁陰懿侯睢陽灌嬰代丞相陽陵景侯魏傅  
寬車騎將軍信武肅侯靳歙大行廣野君高陽酈食其  
中郎建信侯齊劉敬太中大夫楚陸賈太子太傅稷嗣  
君薛叔孫通魏無知護軍中尉隨何新城三老董公袁  
生將軍紀信御史大夫沛周苛平國君侯公右三十一  
人與定天下安社稷者也

五臣無此序

頌曰



芒芒

五臣作  
芒芒

宇宙上塥

楚錦

下黷波振四海塵飛五岳九

服徘徊三靈改卜

善曰天以清為常地以靜為本今上塥下黷言亂常也塥不清澄之兒也

國語觀射父曰民神異業敬而不黷賈逵曰黷嫫也波振塵飛以喻亂周書曰乃辨九服之國春秋元命苞曰

造起天地鑄演人君通三靈之既交錯同端翰曰茫

茫廣遠兒塥垢黷濁也並言天下昏亂垢濁也波振塵

飛謂兵戈不息四海五岳九服皆謂天下也徘徊謂人

無主不知所從也三靈天地人也言天將惡秦濁亂改

卜清平之君也赫矣高祖肇載天祿善曰尚書曰天祿永終

向曰赫威肇始載運也 沈

跡中鄉飛名帝錄善曰中鄉即中陽里也漢書曰高祖

中陽里人尚書玳瑁鈴孔子曰五帝

出受錄圖向曰高祖中陽里人故云中鄉 慶雲應輝

也飛名帝錄謂預應圖識如預飛名在其中

文選

十六

皇階授木

善曰漢書范增謂項羽曰吾使人望沛公其氣皆為龍成五色此天子氣急擊之勿失春

秋孔演圖曰天子皆五帝精必有諸神扶助使開階立遂宋均曰遂道也春秋保乾圖曰黑帝治八百歲運極而授木蒼帝七百二十歲而授火言漢之歷運為周木德所授也銑曰慶雲瑞雲也皇階謂天位之次也

龍興泗濱虎嘯豐谷

善曰尚書序曰漢室龍興漢書曰高祖為泗水亭長淮南子曰虎嘯

而谷風至漢書曰高祖居沛豐濟曰龍興言如龍飛於天得高位也虎嘯謂天下英雄皆相應如虎嘯風生也泗濱謂高祖常為泗水亭

彤雲晝聚素靈夜哭

善曰漢書

曰高祖隱於芒碭山澤間呂后求常得之高祖怪問呂后后曰季所居上常有雲氣故從往常求得季彤丹色也素靈即高祖紀老嫗哭所殺白蛇詳金精仍顏朱光見出師頌素靈夜哭注良曰彤丹紫色

以渥

善曰漢書郊祀志曰秦襄公自以居西主少昊之神作西時祠白帝至獻公時櫟陽雨金以為瑞又

作畦時祠白帝少昊金德也朱光謂漢也殺之者明

漢當滅秦也向曰金精秦也朱光漢也渥流也

萬

邦宅心駿民

五臣作人效足

善曰尚書曰宅心知訓又曰俊民用章曹植與陳琳書曰驥驥

不常一步應良御而效足

翰曰宅居也言天下之人

懷高祖寬仁之德常居於心故羣賢如駿馬足以效其

也堂堂蕭公王跡是因

善曰蕭何為丞相故曰公論語曾子曰堂堂乎張也難與並為

仁矣

向曰此蕭何也堂堂成兒言高祖因之而升帝位也王者天子之通稱

綢繆叡后無競

惟人

善曰毛詩曰無競惟人四方其訓之親密兒叡后聖君也聖君則高祖也

惟辭也言其

無侵競於人能安而悅之也謂留在秦

外濟六師內撫三秦

善曰漢書曰漢王與諸侯

擊楚何守關中漢王數失軍何常與關中卒輒補缺應  
劭曰章邯為雍王司馬欣為塞王董翳為翟王分王秦  
地故曰三秦濟曰六師六軍也高祖留何守關中聚  
糧以給關外軍也內則撫安百姓也高祖封秦三將為  
王王秦中故拔奇夷難邁德振民善曰漢書曰何進韓信  
謂之三秦

反上自將擊之使使問相國何為曰為上在軍拊循百  
姓尚書曰咎繇邁德周易曰君子以振民育德良

曰何拔韓信為將遂平天下行其體國垂制上穆下親  
德惠振給於下人夷平邁行也

善曰周禮曰惟王建國體國經野班固蕭何述曰營都  
立宮定制循文然重威則上穆刑約則下親翰曰能

體國家輕重以約法三章使君臣上下名蓋羣后是謂宗

臣善曰班固漢書贊曰蕭何曹參位冠軍后聲施後世  
為一代之宗臣張晏曰宗臣國所宗也向曰羣后

謂諸立功者高祖論何功第一故曰名平陽樂道在變

則通

善曰論語曰貧而樂周易曰易窮則變變則通  
銑曰此謂曹參也好黃老之術故曰樂道臨事能

變通而合

爰淵爰嘿有此武功

善曰莊子曰淵默而雷  
聲毛詩曰大王受命有

此武功濟曰爰於淵沈嘿靜

長驅河朔電擊壤東

善

也言於事好沈靜而為理也  
漢書曰秦將王離圍鉅鹿參擊王離軍咸陽南大破之  
又擊三秦軍壞東破之文穎曰壤東地名也班固漢書  
述曰長驅大舉電

協策淮陰亞跡蕭公

善曰漢書曰魏  
王豹反參以假

擊雷震

良注同

丞相別與韓信東攻魏將孫遫大破之又從韓信擊趙  
大破之又從韓信擊龍且大破之又曰謁者郭秋曰位

次蕭何第一曹參

翰注同

文成作師通幽洞冥

善曰漢書張良  
終證曰文成侯

又曰張良從容步游下邳圯上有老父出一編書曰讀是則為王者師向曰此謂張良也凡不言姓名皆所封邑名及號諡也餘皆類此良自言以三寸舌為帝者師幽冥謂受兵法於黃石公也永言配命

因心則靈

善曰毛詩曰永言配命自求多福又曰維此王季因心則友銑曰言配合天命籌策因

心而出則如神靈無不必中也

窮神觀化望影

五臣作景

揣情

善曰周易曰窮神知化德

之盛也史記太史公曰虞卿斷事揣情為趙畫策鬼谷子曰測深揣情

鬼無隱謀物無遁

形武關是闢鴻門是寧

善曰漢書曰漢王與良西入武關張良曰臣聞秦將屠者賈豎

易動以利今行重寶啗秦將秦將果欲連和沛公欲聽之張良曰此其將欲叛士卒恐不從不如因其解擊之沛公乃擊秦軍大破之又曰項羽至鴻門欲擊沛公良因要項伯見沛公沛公令伯具言沛公不敢背項王項

羽意乃解周易曰人謀鬼謀百姓與能良曰言其觀  
察事變見其形影已能揣度其情無不知耳故雖鬼神  
亦不能隱謀萬物亦莫能逃形隨難滎陽即謀下邑善  
也輪曰寧安也注與善同

隨難滎陽見下文漢書曰漢王兵還至下邑漢王曰吾  
欲捐關以東誰可與共功者張良曰九江王英布是衆  
將彭越反梁地此兩人可急使韓信可屬大事當一面  
即欲捐之此三人楚可破也向曰酈食其勸封六國  
良隨後難之下文備矣高祖兵敗還至下邑高祖曰吾  
欲取關以東誰可共功也良謀曰黥布韓信彭越可以  
破楚必矣滎陽銷印基忌廢推齊勸立善曰漢書曰項  
下邑並是地名羽急圍漢王滎  
陽酈食其曰誠復立六國後楚必斂衽而朝漢王曰善  
趣刻印先生行佩之張良曰誰為陛下畫此計者陛下  
大事去矣且楚唯無強六國復撓而從之陛下焉得而  
臣之漢王曰趣銷印韓信破齊欲自立為齊王漢王怒

良勸漢王因封之班固漢書述張良曰推齊銷印驅致越信銑曰項羽數侵奪漢軍於滎陽漢軍乏食酈食其謀立六國之後以助高祖從其計令銷印良乃發八難教高祖令廢遂用良計急令銷印蒞教也韓信破齊使使請於高祖欲假封齊王高祖欲不聽良與陳平俱說高祖請立信為王便乃使使授信齊王印此為勸也

運籌固陵定策東襲三王從風五侯允集

善曰漢書曰漢王與齊王

信魏相國彭越期會擊楚至固陵不會漢王謂張良曰諸侯不從奈何良曰今能取睢陽以北至穀城以王彭越從陳以東傅海與齊王信則楚易敗也於是韓信彭越皆引兵來縣布隨劉賈會項羽敗自刎淮南子曰施於寡妻至於兄弟天下從風漢書曰漢王用良計諸侯皆至史記曰漢部五諸侯兵東伐楚又蘓秦曰梁從風而動濟曰固陵地名三王謂韓信彭越縣布也皆會垓下共破項羽故曰從風羽死烏江而董翳揚喜馬



重呂勝揚武等五人各得其一體高祖乃霸楚寔喪皇封五人為列侯是謂五侯允信集至也

漢凱入

善曰周禮曰師有功則愷樂良曰霸楚謂項羽也寔實也喪亡也皇大也凱入謂戰勝凱歌

而還其國言漢勝而入其國也怡顏高覽弭翼鳳戢託跡黃老辭世却

粒

善曰史記良曰願弃人間事從赤松子遊耳乃學辟穀導引輕身翰曰謂功成名遂身退也怡和弭止

戢藏也言良和顏高覽神仙之事退歸靜理如鳳之止羽翼不見也良時託跡黃帝老子之術却粒謂絕穀也

曲

區逆遇宏達好謀能深善曰西都賦曰大雅宏達論語曰好謀而成向曰此謂

陳平也宏大達通也游精杳漠神跡是尋銑曰平常好道術玄理也重玄匪奧

九地匪沈

善曰重玄天也鄧析子曰九地之下重天之巔濟曰匪非奧深也言平妙知天道地理

則天地非伐謀先兆濟善曰言將伐其謀先其未兆欲墜其響在

為深沈也伐謀先兆濟善曰言將伐其謀先其未兆欲墜其響在

於為音然兆為謀始響為音初也孫子曰上兵伐謀其次伐交鷁冠子曰音者所以調聲也未聞音出而響過

其聲者也良曰言將伐敵其謀策已先見其始事凡響出於音故須音響相濟也亦如君臣相得也則平與

高祖亦奇謀六奮嘉慮五臣作聲四廻善曰漢書曰陳平凡如之也

世莫得聞向曰奮出也四規主於五臣作以足離項于懷

廻謂廻轉於天下四方也規主於五臣作以足離項于懷

向曰規諫也韓信破齊信欲立為齊王使使請於高祖高祖怒平乃躡高祖足諫令封信為王又平以金離間

項羽君臣羽遂疑格人乃謝楚翼寔推善曰尚書曰格人元龜罔敢知

范增是其離懷也格人乃謝楚翼寔推善曰尚書曰格人元龜罔敢知

吉銳曰格至也謂范增謝韓王寔執胡馬洞開濟曰

病去楚而楚羽翼實已摧折韓王寔執胡馬洞開濟曰

病去楚而楚羽翼實已摧折韓王寔執胡馬洞開濟曰

反平謀令高祖偽遊雲夢信必郊迎因執之高祖用其計而禽信也高祖至平城為匈奴所圍用平計遂得解

匈奴也洞通也迎文以謀哭五臣作送高以哀善曰漢書曰呂太后崩平與太

尉勃合謀誅諸呂立文帝平本謀也又灼灼淮陰靈武曰高帝崩平馳至宮哭殊哀良注同

冠世翰曰此謂韓信也灼灼威烈兒策出無方思入神

契善曰孔安國尚書曰神妙無方蔡邕季咸碑曰明略兼洞與神合契向曰謀策所出無極思與神合也

入猶與也奮臂雲興騰跡虎噬銑曰奮振也言其心勇疾如雲起猛烈若虎之

噬也陵險必夷摧剛五臣作堅則脆善曰呂氏春秋曰凡兵之用也攻亂則脆

曰言其雖陵敵險難必以平也肇謀漢濱還定渭表善曰

推敗堅陳則如脆矣夷平也

漢書蕭何謂高祖曰必長王漢中無所事信必欲爭天下非信無可與計事者漢王乃拜信大將軍信說漢王曰今王舉兵而東三秦可傳檄而定也漢王喜遂聽信計舉兵出陳倉定三秦良曰肇始也漢濱謂項羽封高祖為漢王高祖就國漢中蕭何曰必欲爭天下非信不可與計事高祖乃與謀事用其計遂自漢中還定秦地渭水名在秦故京索各既扼引師北討善曰漢書曰也濱表謂水畔也漢兵敗散而還信復發兵與漢王會滎陽復擊破楚京索問齊趙魏皆反與楚和以信為左丞相擊魏濟注同濟河夷魏登山滅趙善曰漢書曰信遂進擊魏魏威陳船欲渡臨晉而伏兵從夏陽以木罌缶渡軍襲安邑虜魏王豹信請北舉燕趙選輕騎二千人持一赤幟從間道登山而望趙軍戒曰趙見我走必空壁逐我若疾入拔趙幟立漢幟後趙空壁爭漢鼓旗奇兵馳入趙

壁皆拔旗立漢赤幟趙卒見之大驚遂亂走禽趙王歇向注同

威亮火列

五臣勢踰

風埽

善曰孫子曰兵以詐立以利動合而為變也故其疾如風侵掠如火則彼三軍可奪氣將軍可奪心

此用兵之法也

銑曰亮信踰過也言其威武信為猛烈破敵之勢過於風埽言易也

拾代如遺

偃齊猶草

善曰漢書曰信進擊代禽夏說閼與李奇曰代相也孟康曰音焉預邑名也漢書曰信發

趙兵未發者擊齊信引兵東遂渡河襲齊歷下軍至臨菑齊王走高密又梅福上書曰高祖取齊如拾遺論語曰草上之風必偃齊曰破代齊二

二州肅清四邦咸

舉

善曰據禹貢九州之屬魏趙屬冀州齊代屬青州四邦魏代趙齊也

乃卷北燕遂

表東海

善曰漢書曰信用廣武君笑發使使燕燕從風而靡又曰信平齊使人言于漢王齊夸詐多變

反覆之國不為假王以鎮之其勢不定請自立為假王  
漢王乃遣張良立信為齊王左氏傳王使劉定公賜齊  
侯命曰世昨太師以表東海杜預曰表顯也 翰曰春  
向也信既破趙將北伐燕李左車勸按甲休兵然後可  
也遂表東海謂立為齊王 克滅龍且 子爰取其旅 善曰  
也東海齊地也表猶立也 余爰取其旅 漢書

曰齊王走高密使使于楚楚使龍且救齊與信夾濰水  
陣信乃夜令人為萬餘囊成沙以壅水上流引軍半渡  
擊龍且佯不勝還走龍且喜曰固知信怯遂追渡水信  
使人決壅囊水大至龍且軍大半不得渡即急擊殺龍  
且楚卒皆降 劉項懸命人謀是與念功惟 五臣 德辭通  
之 向注同 作推

絕楚

善同銑注 銑曰蒯通知天下權在信乃說信曰  
當今時兩主懸命於足下足下為漢則漢勝為楚

則楚勝故云劉項懸命也人謀謂蒯通說信反漢為楚  
王二分天下信曰我幸得事項王數年官不過執戟故

歸漢漢授我上將軍言聽計用背之不祥此則念彭越已之功推高祖之德辭蒯通所託絕楚王之望

觀時弢迹

五臣作韜跡

匿光人具爾瞻翼爾鷹揚

善曰杜預左氏傳注韜藏

弢與韜古字通也毛詩曰赫赫師尹民具爾瞻又曰維師尚父時維鷹揚濟曰韜藏匿隱也陳涉初起或人

謂越曰豪傑相立叛秦公可效之越曰兩龍方鬪且待之此謂觀時藏跡隱光也後高祖擊昌邑越乃助之言其有英雄之才天下所瞻望翼爾鷹揚言威凌五臣楚其勇志疾速如鳥翼之飛若鷹之擊揚

域質委漢王靖難河濟即宮舊梁

善曰漢書曰漢使人賜越將軍印綬使下

濟陰以擊楚大敗楚軍拜越為魏相國漢敗彭越皆亡其所下城獨將其兵北居河上往來為漢王游兵擊楚絕其根於梁地項籍死封越為梁王都定陶禮記孔悝為鼎銘曰即宮於宗周良曰楚城謂項王也翰

曰即就宮居也項氏既滅高祖封越為梁王初為相國將兵略定梁地後封之故云舊梁也言如舊之有也

烈烈黥布眈眈其盼五臣作眈音麵善曰漢書曰黥布姓英氏項梁定會稽布以兵屬

之周易曰虎視眈眈向曰凡有姓名則注不重言也或唯言其名則注重說餘此類烈烈猛也眈眈虎視兒

比於虎言猛也眈視也名冠彊楚鋒猶駭電善曰漢書曰楚兵常勝功冠諸侯者以布

數以少敗衆銑曰初布為項羽將功冠諸侯其鋒銳勇急如雷電之驚也彊楚謂項羽也觀幾蟬

蛻稅悟主革面善曰漢書曰漢王使隨何說布布間行與何歸漢淮南子曰蟬飲不食三十日

而蛻周易曰小人革面以從君也濟曰言布見幾去楚歸漢亦如蟬蛻去其殼也覺漢主仁明故收操而來

北面事之悟善曰漢書曰上立布為淮南王與擊項籍肇彼梟風翻為我扇善曰漢書曰上立布為淮南王與擊項籍



良曰肇始也彼謂項羽也梟惡鳥也我謂漢也言始在項羽處沐泉鳥之風後乃翻飛而來為漢助也扇助

也天命方輯王在東夏

善曰東夏即陽夏也漢書曰漢王追項羽至陽夏南翰曰輯

運也王在東夏謂布為淮南王矯矯三雄至于垓下

善曰三雄韓信彭越英布漢書曰漢

王發使使韓信彭越至皆列兵來黥布隨劉賈會圍羽垓下毛詩曰矯矯虎臣向曰矯矯雄勇兒垓下地

名元凶既夷寵祿來假

善曰元凶謂項羽班固漢書張湯述曰既成寵祿亦罹咎慝

銳曰元凶則項羽也夷平也假至也保大全祚非德孰可謀之不臧舍福

取禍

善曰左氏傳楚子曰保大定功班固漢書張湯述曰子孫遵業全祚保國毛詩曰謀之不臧則具是

依左氏傳劉子曰能者養之以福不能者敗以取禍濟曰安於大位而能全福者非德不可也言布謀及不

善之道卒見其禍矣保張耳之賢有聲梁魏善曰漢書曰張耳大

安祚福孰誰臧善也梁人也少時及魏公子毋忌為客毛詩曰文王有聲良曰聲譽也謂高祖微時素聞其賢士也罔

極自詒五臣伊媿善曰漢書曰張耳陳餘相與為刎頸交耳與趙王歇走入鉅鹿王離圍之

餘自度兵少不敢前後耳得出鉅鹿責餘餘怒脫印綬與耳耳佩其印綬後餘以兵襲耳耳敗走毛詩曰士也

罔極二三其德又曰心之憂矣自詒伊戚詒音怡翰曰此言陳餘交不固也罔無極窮也言士之結交當堅

踰金石至於無窮豈可二三其德終易其初俯思舊恩以相誅伐此所以自遺其媿也胎遺伊其也

仰察五緯善曰漢書耳曰漢王與我有故而項王強立我我欲之楚甘公曰漢王之人關五星聚東

井先至必王耳走漢易乾鑿度曰五緯順軌四時和肅向曰耳與陳餘戰敗走曰漢王與我有故遂歸此思

舊思也五緯五星也高祖入關五星聚東井東井秦分野言耳望此而歸漢也脫迹違難披榛

來洎改策西秦報辱北冀

善曰漢書曰漢定三秦方園章邯廢丘耳謁漢王又曰漢

造張耳與韓信擊破趙井陘斬餘泚水上追殺趙王歇於襄國泚音祗銑曰脫遺也脫迹違難謂與陳餘戰敗

歸漢也榛草木叢生也洎至也言耳奔馳披冒叢榛之路來至秦中高祖遣耳與韓信擊趙是為改策矣與韓

信破趙斬陳餘於泚水上是報辱也趙冀州分野故曰北冀

悴葉更輝

五臣作耀

枯條以

肄善曰以木為喻也漢書曰漢立耳為趙王毛萇詩傳曰斬而復生曰肄濟曰謂耳敗走已如悴葉枯條

矣而高祖厚遇之是謂更有耀光而復生也

王信韓孽宅土開疆我圖爾才

越遷晉陽

善曰漢書曰韓王信故韓襄王孽孫也漢立信為韓王上以信壯武乃更以太原郡為韓

國徙信以備胡都晉陽毛萇盧綰自微婉嬖我皇

善曰漢書

詩曰我圖爾居良翰注同曰高祖與綰壯學書又相愛也班固漢書孝哀紀曰婉

嬖董公惟亮天工向曰綰與高祖同日生微時相愛

及責綰出入帝卧内婉跨功踰德祚爾輝章

善曰漢書曰羣臣知

上欲王綰皆曰綰可王上乃立綰為燕王章印章也

銳曰跨度踰過祚福爾汝也言其功則所封土爵已過

其德蓋上心所惠故人之貪禍寧為亂亡

善曰漢書曰高祖崩綰遂

將兵衆亡入匈奴死胡中毛詩曰民之貪亂寧為荼毒

鄭玄曰天下之民苦王之政欲其亂亡也

濟曰言人

志貪禍乃為亂亡之道

謂綰為叛亡入匈奴

吳芮之王祚由梅鋗功微勢弱

世載忠賢

善曰漢書曰天下之初叛秦吳芮率越人舉兵以應諸侯沛公攻南陽遇芮之將梅鋗與

偕攻析郢上以錡有功武關故德萬徙為長沙王高祖  
賢之詔御史長沙王忠其著之甲令音義曰銷呼玄切

鄭持肅肅荆王董我王軍善曰漢書劉賈將二萬人騎  
數百擊楚孔安國尚書傳曰

董督也董注同我圖四方殷薦其勲善曰漢書曰漢書曰漢王追項籍  
至固陵賈使人間招楚大

司馬周殷周殷反楚佐賈庸親作五臣  
作祚勞舊楚是分往

踐厥宇大啟淮瀆善曰漢書曰高祖子弟弱昆弟少欲  
王同姓以鎮天下詔立賈為荆王王

淮東毛詩曰鋪敦淮瀆銑曰庸用祚福也賈則高祖  
從兄故用親也祚勞者謂加福於功勞之臣分楚地而

為荆國也濟曰厥其宇居也言往踐其荆安國違親

國之居也啓開也淮水名在荆地瀆水瀆也悠悠我思依依哲母既明且慈引身伏劒永言固之善  
曰

漢書曰王陵以兵屬漢項羽取陵母寘軍中陵使至則東鄉坐陵母欲以招陵陵母私送使者泣曰為老妾語陵善事漢王漢王長者毋以老母故持二心妾以死送使者遂伏劍而死毛詩曰青青子佩悠悠我思良曰此則恐其子事王懷二心

淑人君子寔邦之基

善曰毛詩曰淑

人君子其儀不忒又曰樂只君子邦家之基翰曰淑美寔實邦國基本也言陵才器可謂美人君子實國之也

義形於色憤發于

五臣作於

辭主亡與亡未命是期

善曰漢書

曰陵為人少文任氣好直言高后欲立諸呂為王問陵曰高皇帝刑白馬而盟曰非劉氏而王者天下共擊之今王呂氏非約也公羊傳曰孔父可謂義形於色矣漢書文帝即位絳侯為丞相爰盎進曰丞相何如人上曰社稷臣盎曰絳侯所謂功臣非社稷臣社稷臣主存與存主亡與亡向曰高祖既崩呂后欲廢絕漢祚將

封呂氏王陵曰昔高帝云非劉氏不王也呂后不悅此則義形於色憤發於辭也言其一心事主志節不移故曰主亡與亡也守其遺命不封呂氏可謂末命是期也

絳侯質木多略寡言

善曰漢書

曰周勃為人木強敦厚論語摘輔象曰子然公順多略

銑曰此謂周勃也木素寡少也曾是忠勇

惟帝攸歎

平聲高祖曰安劉氏者必勃也善曰漢書曰始呂后問宰相

雲驚靈

丘景逸上蘭平代禽稀奄有燕韓

善曰漢書曰陳稀反勃復擊稀靈丘破之

新稀定代郡九縣燕王盧綰反勃破綰軍上蘭定上谷右北平遼西遼東

良曰驚馳逸疾也雲馳景疾者言

其用兵之機速也

寧亂以武斃呂以權滌穢紫宮徵帝太原

善曰

漢書曰高后崩呂產秉權欲危劉氏勃與丞相平誅諸呂左傳樂桓子謂范宣子曰夫克亂在權漢書曰勃已

滅諸呂遂共迎立代王是為孝文皇帝勃曰臣無功請得除官乃與太僕滕公入宮戴少帝出乃奉天子法駕

迎皇帝代邸張衡羽獵實惟太尉劉宗以安善曰漢書賦曰開閭闔兮坐紫宮曰惠帝以

勃為太尉向曰惟是也挾功震主自古所難善曰漢書

說韓信曰功略震主者身危銑曰挾懷也言勲耀五臣

其懷挾定社稷之功震動君主自古所難為也勲耀臣

作上代身終下藩善曰漢書上曰丞相朕所重其為朕

曰勲功也言勃免相國出於下藩而薨舞陽道迎延帝

也諸侯之國曰下藩即所封絳是也

幽藪善曰范曄後漢書順帝詔曰張揖竄迹幽藪良

公高祖嘗在澤中游故曰延宣力王室匪惟厥武揔干

帝幽藪也澤無水曰藪也



鴻門披闥帝宇聳顏誚項掩淚寤主

善曰漢書曰項羽在鴻門亞父謀欲

殺沛公樊噲聞事急乃持楯入曰沛公先入定咸陽以待大王大王聽小人之言與沛公有隙臣恐天下解心疑大王也項羽默然高祖嘗病惡見人卧禁中詔戶者無得入羣臣噲乃排闥直入流涕曰始陛下與臣等起豐沛定天下何其壯也今天下已定又何憊也高帝笑而起尚書帝曰予欲宣力禮記曰揔干而山立武王事也班固漢書贊曰金日磾以篤曲周之進于其哲兄俾敬悟王忠信自著翰向注同

率爾徒從王于征

善曰漢書曰酈食其進其弟商使將數千人從沛公略地漢書谷永謝王

鳳曰察父哲兄覆育子弟誠無以加銑曰此謂酈商也兄謂食其言其困食其乃進用於高祖也初陳勝起兵商以數千衆屬高祖略地故云俾率振威龍蛻

五臣作脫

音據武墉城六師寔因克茶禽黥

善曰漢書曰燕王荼反商以將軍從擊茶

戰龍蛇破茶軍音義或曰龍脫地名也音奪漢書曰商又從擊黥布兩陣以破布軍又曰布軍與上兵遇蘄西

上乃壁墉城鄧展曰地名也濟注同猗歟汝陰綽綽有裕善曰毛詩曰猗歟那歟又曰此

令兄弟綽綽有裕良曰此謂夏侯戎軒肇跡何策

來附善曰漢書曰上降沛為沛公以嬰為太僕常奉車

以嬰為太僕嘗奉車故云始跡也負策謂負鞭策以奉事也來附謂附高祖也馬煩轡殆不釋

擁樹皇儲時入平城有謀去聲協韻善曰漢書曰嬰從擊項籍漢王不利馳去見

孝惠魯元載之漢王急馬罷蹶兩兒棄之嬰常收載行面擁樹馳晉灼曰今京師謂抱小兒為擁樹漢書曰平

城之難冒頓乃開一角高帝出欲馳嬰  
固請徐行弩皆持滿外鄉卒以得脫  
穎陰銳敏屢為

軍鋒

良曰此謂灌嬰也銳精敏速也鋒謂為先鋒也

奮戈東城禽項定功

善曰漢書

曰項籍敗垓下去嬰追項籍至東城破之所將卒斬籍

銳注同

乘風籍響高步長江

收吳引淮光啓于東

善曰漢書曰嬰渡江定吳還定淮北呂氏春秋曰順風而呼聲乃加

疾所因便也左氏傳宋向戌曰光啟寡君羣臣安矣濟曰言嬰乘其風勢假藉聲譽乃渡江破吳都定豫章會稽還定淮北遂大開東土也光大啟開也

陽陵之勲元帥是承

善曰漢書曰傳寬屬

淮陰擊破齊歷下軍屬相國參殘博也勲功也元大也大帥謂曹參也言承奉大帥之令以

定齊地遂封勲爵

信武薄伐揚節江陵夷王珍國俾亂作懲

善曰

漢書曰靳歙別定江陵身得江陵王致雒陽上林賦曰揚節上浮毛詩曰戎狄是膺荆舒是懲向曰此謂靳歙也從高祖擊項羽別定江陵也江陵郡名薄伐謂以義伐敵克之易也銑曰夷平殄盡俾使懲止也言平定江陵禽其王盡得其國使亂者止也恢恢廣野誕節令圖進謁嘉謀退

守

五臣作官

名都東規白馬北距飛狐即倉敖據險三塗

善曰漢書曰漢王數困滎陽成臯計欲捐成臯以東屯鞏雒以距楚鄼食其曰願足下急進兵收取滎陽據敖庾之粟塞成臯之險杜太行之道距飛狐之口守白馬之津以示諸侯形制之勢則天下歸矣老子曰天網恢恢班固漢書述曰陳湯誕節救在三哲尚書曰爾有嘉謀嘉猷杜預左氏傳注曰三塗在河南陸渾縣南翰曰此謂鄼食其也恢恢大也誕大節度令善圖謀也向曰名都謂滎陽也食其勸高祖急收滎陽是也濟曰

食其勸高祖守白馬之津距飛狐之口據教庾之粟也  
白馬津河也飛狐塞名也教庾倉名三塗山名規守即  
就輜軒東踐漢風載徂身死于齊非說之辜善曰漢書燕趙

已定唯齊未下上使酈食其說齊齊王田廣以為然罷  
歷下兵守備漢書曰韓信聞食其下齊乃襲齊王齊王  
田廣聞漢兵至以為食其賣已乃烹食其我皇寔念言

祚爾孤善曰漢書曰高祖舉功臣思食其格被

裼獻寶善曰漢書婁敬脫輅見虞將軍曰臣願見上言

裼衣裼見不敢易衣虞將軍入言於上上召見良曰  
此謂婁敬也委棄也輅底車也婁敬本為輅車者乃棄

車被裼衣以見高祖獻說指明周漢銓時論道移帝伊  
令都長安可謂大寶也

洛定都鄴鎬

善曰漢書婁敬謂上曰陛下取天下與周異而都雒陽不便不如入關據秦之固是

日車駕西都長安班固漢書婁敬述曰敬繇役夫柔遠還京定都聲類曰銓所以稱物也向注同

鎮邇寔敬攸考

善曰毛詩曰柔遠能邇以定我王爾雅曰考成也濟曰安鎮邇近實敬之所

考定抑抑陸生知言之貫

善曰毛詩曰抑抑威儀維德之隅漢孝武詔曰詩云九變

復貫知言之選應劭曰言變政復禮合於先王舊貫選善也銑曰此謂陸賈也抑抑昂藏兒言賈善為言說

也貫往制勁越來訪皇漢

善曰漢書曰中國初定尉佗南平越因王之高祖使賈賜

佗印為南越王賈卒拜佗為南越王令稱臣奉漢約歸報高帝大悅爾雅曰訪謀也翰曰制約也勁彊也皇

大也高祖使賈往約南越王尉佗而賜之印初尉佗見賈頗有驕傲賈與之言尉佗蹶然而起謝賈稱臣受漢

約而來歸漢之德也訪歸也

附會平勃夷凶翦亂

善曰漢書曰諸呂欲危劉氏陳平患

之賈說平曰天下安注意於相危注意於將將相和天下雖有變權不分君何不交權太尉深相結平乃以五百金為絳侯壽太尉勃亦報如之則呂氏謀益壞及誅呂氏賈頗有力焉良曰平謂陳平勃謂周勃會猶接也謂其能安國家定社稷可以附接於陳周所謂伊人之間矣夷平翦伐也謂與陳周誅呂氏也

所謂伊人

邦家之彥

善曰毛詩曰所謂伊人於焉逍遙又曰彼其之子邦之彥兮班固漢書王尊贊曰尊實趙

趙邦家之彥

向曰伊辭也

百王之極舊章靡存

善曰

班固漢書贊曰漢承百王之弊典引曰彛倫斁而舊章缺銑曰此謂叔孫通也言漢承百王敝極之時而禮儀舊章皆無存者通乃復脩之

漢德雖朗朝儀則昏稷嗣制禮下肅上

尊

濟曰朗明昏暗也君也言其制禮儀下敬而上尊各有分也肅敬也

翰曰漢拜通為博士號為掾嗣

肅敬也

穆穆帝典煥其盈門風晞三代憲流後昆

善曰漢書叔孫通曰

臣願徵魯諸生與臣弟子共起朝儀高帝曰得無難乎通曰臣願采古禮與秦儀雜就之上曰可其儀就皇帝輦出房諸侯王以下莫不震恐肅敬高帝曰今日知為皇帝之貴也劇秦美新曰帝典闕而不補毛詩曰韓侯顧之爛其盈門包咸論語注云三代夏殷周也尚書曰垂裕後昆向曰穆穆美也煥盛也良曰晞望也憲

法也三代謂夏殷周也言所制禮儀之風晞望與三代同盛而法流於後嗣昆猶嗣也

無知嚮敏

獨昭

五臣作照

奇跡察侔蕭相貺同師錫

善曰蕭何進韓信無知進陳平故曰

侔也漢書曰陳平降漢因魏無知求見漢王後上封平平曰非魏無知臣安得進上乃賞魏無知向曰此謂



魏無知也。叡明敏達，侔比也。貺猶慶也。師猶衆也。錫舉也。言其明達獨有奇跡，謂薦陳平於高祖，則亦比蕭何。進用韓信，而天下定慶。同堯時衆舉舜而隨何辯達，因洪水理書云：師錫帝曰：有鰥在下，曰虞舜。

資於敵紓

五臣作舒

漢披楚唯生之績

善曰：漢書：漢王曰：孰為使淮南使之發兵。

背楚項王必留留數月。漢之取天下可萬全。隨何曰：臣請使之往。說布布歸漢。毛詩曰：鄭水東注：維禹之績。銑曰：黥布本屬項羽，則漢之敵也。而何說之背項羽而歸漢？

資於敵也。舒成也。披毀也。楚則項羽也。唯生之績，謂唯何之功也。生者有德之稱。

皤皤

音婆

董叟

謀我平陰三軍縞素天下歸心

善曰：漢書曰：漢王南渡平陰津，至洛陽新城三

老董公遮說。漢王曰：項王無道，放殺其主。三軍之衆為之素服。東伐四海之內莫不仰德。此三王之舉也。漢王

曰善於是為義帝發喪兵皆歸素擊楚之殺義帝者論語素王受命識曰河受圖天下歸心向曰此謂新城三老董公也

袁生秀朗沈心善照漢旆南振楚威自撓

如教大略淵回元功響效邈哉惟人何識之妙

善曰漢書曰袁

生說漢王曰願君出武關項王必引兵南走王深壁令榮陽成臯間且得休王乃復走榮陽如此則楚所備者多力分漢得休復與之戰破楚必矣漢王從其計出軍宛葉間羽乃聞漢王在宛果引兵南漢書曰司馬遷述曰大略孔明史記太史公曰惟祖元功輔臣股肱良曰秀朗謂賢明也沈深也言其深心照見事理也向曰袁生謂高祖曰分諸將引入楚地而使自公兵相救則楚威權自然撓也大旆旗也南振謂南入楚也撓亂也言其大謀略如淵回之深大功如響應紀信誑項軺之遠效猶應也邈遠也惟人猶此人也

以  
焦軒是乘攝齊五臣作齋赴節用死孰懲身與煙消名

與風興

善同翰注

紀信曰事急矣臣請誑楚可以間出信乃乘王

車服王衣詐為高祖降項羽以此高祖得與數十騎出

矣項羽遂燒殺信軺軒輜車也攝齊振衣也謂高祖所

服衣也懲恐也言其忠勇是用死節誰復周苛慷慨五

恐懼雖身隨煙滅而忠烈之名與風興也

作心若懷冰善曰應劭風俗通曰形可以暴志不可凌

言人清高如冰之潔

五臣作陵善曰漢書曰楚圍漢王榮陽急漢王出去

而使苛守榮陽楚破榮陽欲令將苛罵曰若趣降漢王

不然今為虜矣項王怒烹苛良曰暴露貞軌偕沒亮

也言其壯志見於外也陵敗也餘同善注

跡雙升帝疇爾庸後嗣是膺

善曰謝承後漢書黃向對策曰雷義陳重出則雙升

後定四庫全書

文選

三十三

漢書曰苛子成以父死王事封為高景侯又曰襄平侯紀通尚符節張晏曰紀信子通晉灼曰紀信焚死不見其後功臣表曰襄平侯紀通父成以將軍從定三秦死王事子侯然則通非信子也機之此言與晏同誤也向曰軌跡亮信升高疇誰庸用膺當也言紀信周苛忠貞之節俱沒於項羽信勇壯之迹雙高也高祖念此二人已死誰可封汝功乃後嗣以當也謂高祖天地五臣作命封信子通為襄平侯周苛子成為高平侯

雖順王心有違懷親望楚永言長悲侯公伏軾皇媼老烏

來歸是謂平國寵命有輝

善曰毛詩曰行道遲遲中心有違漢書曰漢遣陸賈說羽

請太公羽弗聽漢復使侯公說羽羽歸太公媼漢書項羽傳曰歸漢王父母妻子漢書音義曰媼母別名也楚漢春秋曰上欲封侯公匿不肯復見曰此天下之辯士所居傾國故號平國君銑曰王心有違謂高祖父母

並為項羽軍所執也高祖懷思長悲侯公為高祖往說羽父母皆得歸漢封侯為平國君故云寵命有輝也伏軾謂乘車而往也皇謂高祖父也高祖即位為太上皇媼謂高祖母也女老曰媼此上三十一人頌畢此下摠述其

**震風過物清濁效響**

善曰文子曰昔堯之治天下也舜為司徒契為司馬禹為

司空后稷為田疇奚仲為工師是以離叛者寡聽從者眾若風之過蕭忽感之各以清濁應物也翰曰言風

動過於萬物之望無清濁皆應聲**大人于興利在攸往**

善曰周易曰巽小亨利有攸往利見大人濟曰大人君子也利在所往言君臣相應所往則利也**弘海**

**者川崇山惟壤**

善曰管子曰海不辭水故能成其大山不辭土故能成其高明主不厭人故能

成其眾向曰弘大崇高壤土也海所以大者眾川成之山所以高者積土成之言帝王成功亦須眾賢成之

也 韶 蕋 錯 音 袞 龍 比 象

善曰漢書曰舜作韶湯作蕋周禮王之吉服享先王即袞龍衣

也左傳曰臧哀伯曰五色比象昭其物也良曰韶舜樂名蕋湯樂名錯雜也天下既平功成作樂之義也袞

龍服王者之服也比象者諸色 明 明 衆 哲 同 濟 天 網 臣五

備也謂高祖居尊位禮儀也 作 網 善 曰 毛 詩 曰 明 明 魯 侯 崔 寔 本 論 曰 舉 彌 天 之 網 以 羅 海 內 之 雄 向 曰 同 濟 天 網 謂 同 濟 天 下 離 亂 若

整網紀 劍 宣 其 利 鑒 獻 其 朗 善曰廣雅曰鑒炤也鑑謂網羅也 鏡 朗 明 也 言 羣 臣 如 用 劍 之 利 以 斷 文 武 四 充 漢 祚 克

割事機如獻鏡之明以照察事理也 廣 善 曰 尚 書 曰 光 被 四 表 孔 安 國 曰 光 充 也 充 溢 四 外 也 毛 詩 曰 克 廣 德 心 向 曰 衆 賢 文 武 之 道 四 方 充

滿故漢祚能 悠 悠 遐 風 千 載 是 仰

廣也克能也

贊

東方朔畫贊

并序

夏侯孝若

善同銑注 銑曰臧榮緒晉書云夏侯湛字孝若燕國人也美容儀才華

富威早有名譽與潘岳友善時人謂之連璧為散騎常侍此贊為當時所重

大夫諱朔字曼倩平原厭次人也

善曰漢書曰朔為太中大夫又曰朔

字曼倩平原厭次人漢書地理志無厭次 魏建安中

縣而功臣表有厭次侯參考疑地理誤也 曰

范曄後漢書曰獻帝改興平三分厭次以為樂陵郡故又

為郡人焉

善曰漢書平原郡有樂陵縣 事漢武帝漢書

具載其事先生璵瑋博達思周變通以為濁世不可以

富貴

五臣作樂

也故薄游以取位

善曰家語孔子曰老聃博古而達今王肅曰博達古

今而好道周易曰化而裁之謂之變推而行之謂之通又曰變通者趨時者也王逸楚辭序曰不忍以清白久居濁世銑曰濁世謂武帝奢侈無度也故薄游以取下位也苟出不可以直道也故

頽頽以傲世

善曰論語曰直道而事人解嘲曰鄉行以頽頽而取世資向曰苟出謂且隨其事

勢亦不可以直道言非用直時也頽頽自縱兒傲慢也

傲世不可以垂訓也故正

諫以明節

善曰家語南宮叔曰孔子作春秋垂訓後嗣班固漢書贊曰朔正諫似直良曰又以傲

慢理不可以垂教後人故直諫武帝以明其大臣節也

明節不可以久安也故諛



苦諧以取容

善曰班固漢書贊曰朔詠諧逢俗其事浮淺字書曰詠嘲也口回切孔安國尚書傳

曰諧和也史記太史公曰王翦偷合取容翰曰正諫恐禍及身故不可久為也詠諧取容謂戲弄以悅主上

之容

潔五臣作絮

其道而穢其跡

善曰班固漢書贊曰朔穢德似隱向曰言志清而

為穢跡以混於俗使人不知也

清其質而濁其文弛張而不為邪進

退而不離羣

善曰禮記孔子曰一張一弛文武之道鄭玄曰張弛以弓弩喻人也班固漢書東方

朔述曰弛張沈浮周易曰上下無常非為邪也進退無恒非離羣也銑曰質謂天性文謂外飾亦所以亂俗

而隱也向曰弛張猶衰榮也羣道也

若乃遠心曠度瞻智宏材

善曰揚子雲解

朝曰雖其人之瞻智良曰曠寬瞻多宏大也

倜儻博物觸類多能

善曰史記曰魯

仲連好奇偉儼之畫策左氏傳晉侯聞子產之言曰  
博物君子也周易曰觸類而長之論語太宰曰夫子聖  
者與何其多能也

翰曰儼謂奇才也

合變以明筭幽贊以知來

善曰周  
易曰夫

又者何也言乎變者也又曰幽贊於神明而生蓍又曰  
神以知來智以藏往

向曰合道通變在於妙筭幽通

神明知其來  
事贊猶通也

自三墳五典八索九丘陰陽圖緯之學百

家衆流之論

善曰左氏傳曰左史倚相趨過王曰是良  
史也能讀三墳五典八索九丘漢書曰陰

陽家流者蓋出於羲和之官圖河圖也緯五緯也謝承  
後漢書尤明圖緯淮南子曰百家異說各有所出漢書

曰九流有儒家流道家流陰陽家流法家流名家流墨  
家流從橫家流雜家流農家流

銑曰圖緯謂圖讖天

也文周給敏捷之辯支離覆逆之數

善曰莊子曰支離疏鼓  
策播耜足以食十人

音所漢書曰上嘗使諸數家射覆不能中使朔射之連中輒賜帛逆逆刺也濟曰又有疾惠之辨支離卜也

覆謂射覆逆謂逆刺經脉藥石之藝射御書計之術善豫知前事也數術也

漢書曰醫經者原人血脉經絡而用度歲石湯火之所施調百藥齊和之所宜周禮曰六藝禮樂射御書數

向曰計乃有五臣研精而究其理不習而盡其功善曰孔數也

書序曰研精覃思周易曰不習無不利良曰究盡也言皆不常習自盡其妙理謂天性而知也經目

而諷於口過耳而闇於心善曰孔融薦禰衡表曰目所一見輒誦於口耳所暫聞不

忘於心翰曰言諸術皆饒經於目則諷夫其明濟開誦不忘近過於耳而闇藏於心謂明惠也

豁呼包含弘大陵轢歷卿相謝五臣哂豪傑籠罩靡前

蹈臺籍貴勢

善曰漢書曰張楚並興兵相蹈籍鄧展曰

蹴也向曰陵犯轢踐也嘲哂謂戲弄也  
既曰謂豪傑人之所懼無敢前與之通言者朔皆籠罩在於心胃也蹈籍猶殘暴也言不畏貴勢之士也靡

無出不休顯賤不憂戚五臣本作感濟曰出進也言

憂也感亦憂也戲萬乘若寮友視儔列如草芥善曰十洲記曰

公孟子曰天下大悅而將歸已視之如草芥良雄節

曰萬乘天子也儔列謂同類者草芥鄙賤之物也邁倫高氣盖世善曰漢書項羽歌曰力拔山兮氣盖世

也邁過也可謂拔乎其萃游方之外者已五臣作也善曰孟子

亦類也出於其類拔乎其萃自生民以來未有盛於孔子也莊子曰子桑戶孟子反子琴張三人相與友子桑

戶死未葬孔子聞之使子貢往待事焉或編曲或鼓琴相和而歌子貢趨而進曰敢問臨尸而歌禮乎二人相視而笑曰是惡乎知禮意子貢反以告孔子孔子曰彼遊方之外者也而丘也遊方之內者也司馬彪曰方常也言彼遊心於常教之外也向曰言其才器超拔羣類游於常俗之外也萃類也方常也談者又以

先生噓虛吸

許

沖和吐故納新

善曰莊子曰吹噓呼吸吐故納新此導引之士

養形之人也故謂吐其濁氣納新謂得其清氣皆言養形存神也

蟬蛻龍變棄俗登仙

善曰淮南子曰至人蟬蛻蛇遊忽然而入冥史記趙高曰聖人龍變而

從之列仙傳曰東方朔武帝時為郎宣帝時棄去後見會稽濟曰蟬蛻謂脫殼出其身龍變謂解其骨而騰

形棄俗登仙有如此者

神交

五臣

造化靈為星辰

善曰淮南子曰大夫恬然無為與

化道遙高誘曰造化天地也應劭風俗通曰東方朔是  
太白星精黃帝時為風后堯時為務成子周時為老聃  
在越為范蠡齊為鴟夷子言此又奇怪惚恍不可備論  
其變化無常也向注同

者也大人來守此國

善曰此國謂樂陵也其父為樂陵  
卿守史傳不載難得而知也良

曰惚恍謂  
幽微也

僕自京都言歸定省

善曰京都洛陽也毛詩  
曰言告言歸禮記曰凡

為人子之禮昏定而晨省

覩先生之縣邑想先生之高

翰曰謂湛覲省於父

風徘徊路寢見先生之遺像

五臣作象  
馮翼遺像何以譏之濟

曰路寢謂廟也遺  
像謂所畫形象也

逍遙城郭觀先生之祠宇慨然有懷

乃侔頌焉

銑曰逍遙謂徘徊也祠宇亦  
廟也翰曰慨然猶悵然也

其辭曰

矯矯先生肥遁居貞

善曰矯矯輕舉之兒也毛詩曰矯矯虎臣周易曰肥遁無不利又曰

居貞之吉順以從上也樂也適隱貞正也言其樂隱於俗而居其正道

向曰矯矯高兒肥猶退不終

否進亦

五臣作不避榮

善曰周易曰物不可以終否故受之以同人銑曰退無愠色故不終否

否謂志不通也

臨世濯足希古振纓

善曰楚辭漁父歌曰滄浪之水清可以濯我纓滄浪

足振纓也言隨時清濁以隱於俗也

良曰臨世而隱如古之漁父濯足振纓也言隨時清濁以隱於俗也振亦濯也希望濯

也洗涅而無滓既濁能清

善曰論語子曰涅而不緇老子曰孰能濁以靜之徐清淮南子

曰濁而徐清沖而徐盈在俗混道自高如在涅中而無穢汚外行則濁中志能

輪曰涅黑泥也滓穢也言其

清也無滓伊何高明克柔

善曰尚書曰沈潛剛克高明柔濟曰伊惟克能也疊上句

以自問無滓穢惟何能清伊何視汙若浮善曰班固東

也則高明能為柔道方朔述曰懷

肉汙殿弛張沈浮銑曰此亦疊上辭也言其

視濁汙之理若清也謂不以為恥也浮猶清也樂在臣

作在必行處儉五臣罔憂善曰周易曰樂則行之憂則

樂在沈淪時則無憂言跨世陵時遠蹈獨游向曰跨越瞻

知其時也罔無也

望往代爰想遐蹤邈邈先生其道猶龍善曰莊子曰孔

子問曰夫子見老聃亦何規哉孔子曰吾乃於是乎見

龍合而成體散而成章乘乎雲氣而養乎陰陽余口張

而不能噲予有何規於老聃哉良曰言湛思往代之

事於是想朔遠跡也爰於也蹤跡也向曰邈邈遠也

猶龍謂如龍變化五臣染迹作跡朝隱和而不同善曰史記

屈伸小大不常也

東方朔曰



如朔所謂避俗於朝廷間也論語子曰君子和而不同  
良曰染近於俗隱跡於朝與俗和光而不同其道也

栖遲下位聊以從容

善曰毛詩曰或棲遲偃仰孟子曰居下位而不獲於上不可得而治

也尚書曰寬而有制從容以和

我來自東言適茲邑

善曰

茲邑謂樂陵也毛詩曰我來自東

敬問墟墳企佇原隰

零雨其濛爾雅曰適往也銑注同善曰王仲宣贈蔡子篤詩曰允企伊佇向曰企佇謂望立也高平曰原下濕曰隰也謂荆故居丘墓之處

墟墓徒存精靈永戢

良曰戢藏也

民思其軌祠宇斯立

翰曰下人思其軌則

立祠廟於此也徘徊寺寢遺像在圖

向曰寺司也言其有官司主其寢廟也圖畫也周

旋

五臣

作游祠宇庭序荒蕪

善曰

爾雅曰東西牆謂之棟銑曰東西廂曰序

傾落草萊弗除

善曰呂氏春秋曰農夫弗除良曰懷稼也萊蒿也

肅肅先生豈

焉是居

濟曰肅肅清兒言其豈於此居

是居弗开悠悠我情

五臣本作精善曰

毛詩青青子衿悠悠我心見朔真形使我悠悠遠思也

翰曰言不精猶思也

昔在有德罔不

遺靈

向曰自古有德之人無不遺其神靈以示後代

天秩有禮神監孔明

善曰尚書

咎繇曰天秩有禮自我五禮有庸哉毛詩曰祀事孔明

銑曰秩次也言天下之次序有祭祀之禮則神監其忠信甚可

明也彷彿

五臣作髣髴

風塵用垂頌聲

良曰言髣髴聞其高風清塵故此用垂頌聲也

### 三國名臣序贊

袁彥伯

善同濟注宏字彥伯陳郡人也

濟曰檀道鸞晉陽秋云袁

吳蜀也名臣謂有賢才立功業垂名於後代者也序贊者言并序也

夫百姓不能自治故立君以治之

善曰漢書成帝詔曰天生衆民不能相治

為之立君以統理之

明君不能獨治則為臣以佐之

善曰墨子曰古者同天之

義是故選擇賢者立為天子以其知力為未足獨治天下是以選擇其次立為三公

然則三五迭

隆歷世承基

善曰史記楚子西曰孔丘述三五之法明周召之業西京賦曰若歷世而長存又曰

繼體承基

翰曰三皇五帝更遞興

揖讓之與干戈文

德之與武功

善曰孔叢子曾子謂子思曰舜禹揖讓湯武用師非相詭乃時也尚書武王曰稱爾

戈比圖于宋均樂動聲儀注曰武象象伐紂用干戈也向曰舜禹揖讓文德以興湯武干戈武功以取言各

異道也 莫不宗匠陶鈞而羣才緝熙善曰鄧析子曰聖人

物之形漢書鄒陽上書曰聖王制世御俗獨化於陶鈞之上音義曰陶家名模下圓轉為鈞毛詩曰維清緝熙

鈞造化也緝明熙廣也 元首經略而股肱肆力善曰尚書咎繇

歌曰元首明哉股肱良哉 向曰元首 雖善本無遭離

不同且善本無且跡有優劣善曰王命論曰遭遇異時禪伐

優劣殊迹 良曰遭離猶逢遇也言揖 至於體分冥固

道契不墜風美五臣作靡所扇訓革千載其揆一也善曰言至

體分既固於冥兆上下之契亦存而不墜蒼頡篇曰革

戒也孟子曰先聖後聖其揆一也 翰曰至於為君之

體為臣之分，實應之理。堅固道合之義，不墜皆風靡振。於後代雖訓教改於千載，其理天下一也。契合扇振革。

改揆也。故二八升而唐朝五臣盛，伊呂用而湯武寧。善同銑注

銑曰：舜舉八元八愷，用之於堯時也。成湯得伊尹、武王得呂望而社稷安也。三賢進而小白

興，五臣顯而重耳霸。善曰：三賢，管仲、鮑叔牙、隰朋也。五臣，狄偃、趙衰、顛頡、魏武子、司空季

子。向曰：三賢謂管仲、鮑叔、隰朋也。小白，齊桓公名。良曰：五臣謂趙衰、先軫、魏武子、賈佗、狄偃也。重耳，晉文

公名也。中古凌五臣遲斯道替矣。翰曰：替，廢也。居上者不以至

公理物為下者，必以私路期榮。御圓者不以信誠率衆。

執方者必以權謀自顯。善曰：呂氏春秋曰：天道圓，地道方。聖人之所以立上下主執圓。

臣處方方圓不易國乃昌高誘曰上君也下臣也  
向曰謂私行請託以求其官榮 翰曰圓天也謂君也言  
君御下不信於中誠也率理也 向曰方地也謂  
臣也言臣事上必弄威權以為詐謀而求榮也 於是

君臣離而名教薄世多亂而時不治故蘧甯以之卷舒

柳下以之三黜接輿以之行歌魯連以之赴海

善曰論語子曰

甯武子哉蘧伯玉邦有道則仕邦無道則卷而懷之又曰  
甯武子邦有道則智邦無道則愚又曰柳下惠為士師  
三黜又論語楚狂接輿歌而過孔子史記曰魯連下聊  
城田單歸而欲爵之魯連逃隱於海上 銑良濟注同

衰世之中保持明

善本作名

節君臣相體若合符契則燕昭

樂毅古之流也

善曰魏志董昭謂太祖曰明公樂保名節論語比考識曰君子上達與天合符

劇秦美新曰地合靈契史記曰樂毅賢好兵為魏昭王使於燕燕昭王以客禮待之樂毅遂委質為臣燕王以

為亞卿

向曰燕昭王與樂毅相得上下不疑故立大功

夫未遇伯樂則千載無一

驥善曰戰國策楚客謂春申君曰昔者騏驎駕鹽車上吳坂遷延負輶而不能進見伯樂仰而鳴之知伯樂

知已也

向曰伯樂善相馬者騏驎良馬也言不遇相

馬者千年不得一良馬不遇明主而賢亦無人知也時

值龍顏則當年控三傑漢之得材於斯為貴

善曰漢書曰高祖隆

準而龍顏應劭曰顏頤頤也漢書上曰夫運籌於帷幄

之中決勝於千里之外吾不如子房也鎮國家撫百姓

給餉餽不絕糧道吾不如蕭何連百萬之軍戰必勝攻

必取吾不如韓信三者人之傑也銳曰控猶用也

高祖雖不以道勝御物羣下得盡其忠

向曰道勝謂以道御物勝征伐

也厚下盡忠謂言必用計必從也

蕭曹雖不以三代事主百姓不失其

業

良曰蕭曹謂蕭何曹參也三代夏殷周也言雖才不及三代之臣而百姓不失其業

靜亂庇人

抑亦其次

善曰左氏傳宰孔謂晉侯曰君務靜亂無勤於行又劉子謂趙孟曰盍達績禹功而大庇

民論語子曰抑亦可以為次矣高祖靜息禍亂庇育生人抑亦次三代之君臣也

夫時

方顛沛則顯不如隱萬物思治則默不如語

善曰毛詩序曰下泉

思治也周易曰君子或默或語子當亂代見身則不如隱也恐遇害也

向曰顛沛謂亂也君向曰理萬物

當作法教垂其禮制故尚語不尚默也

是以古之君子不患弘道難遭時

難遭時不難遇君難

善曰論語子曰人能弘道非道弘人莊子謂魏王曰士有道德而衣



敝履穿此所謂非遭時者也文子老子曰欲治之主不世出可與之臣不萬一以不世出求不萬一此至化所以千載不一也向曰不患廣道為難遭平時為難也銳曰遭平時亦不足為難逢遇明君是為難也故

有道無時孟子所以咨嗟有時無君賈生所以垂泣善

孟子曰齊人有言雖有智慧不如乘勢雖有鎡基不如待時漢書賈誼上疏曰臣竊惟事勢可為流涕者二濟良夫萬歲一期有生之通塗善曰桓子新論曰夫聖

注同云萬歲一期蓋甚言之以避下文也莊子曰萬世之後而一遇大聖知其解者是旦暮遇之也翰曰有生謂生

人千載一遇賢智之嘉會善曰東觀漢記太史公曰耿

列為蕃輔忠孝之策千載一遇也博亦論曰誠千載之嘉會百世之良遇也周易曰亨者嘉之會也向曰嘉

善遇之不能無欣喪之何能無慨銑曰慨歎也古人之言信

有情哉余以暇日常覽國志濟曰志謂三國志也考其君臣比其

行事雖道謝先代亦異世一時也五臣無也字良曰各得一時之宜文

若懷獨見之明而有救世之心善曰文子曰必有獨見之明然後能擅道而行

左氏傳子產曰吾以救世論時則民方塗炭計能則

莫出魏武善曰尚書曰有夏昏德民墜塗炭向曰天下禍亂人如在塗泥炭火之中言文若所能

則不過魏武帝也故委面霸朝豫議世事銑曰委質北舉才不

以標鑒故久之而後顯濟曰言或舉賢良用之於朝不自出標眩為已明鑒故久而益

明也 籌畫不以要功故事至而後定

良曰要功謂貪功也言畫籌策不貪為已

功故有事至其所主而後定也

雖亡身明順識亦高矣

向曰或有直言於太祖太祖恨

之飲藥而死是亡身也

董卓之亂神器遷偪

善曰老子曰天下神

器不可為也為者敗之

向曰神器

公達慨然志在致

命

善曰論語子張曰士見危致命慨然壯勇兒言公達見獻帝危故志在致其命以匡

仇曰荀攸字公達

漢室

由斯而談故以大存名節

向曰言荀攸存其名節也

至如身為

漢隸而跡入魏幕

濟曰隸官也軍府曰幕

源流趣

五臣作取

舍其亦文

若之謂所以存亡殊致始終不同將以文若既明

五臣有且

哲名教有寄乎

善曰言文若殞身既明仁義之道且寄迹於名教之地也良曰源流謂本末也

取舍謂進退也言攸之本志匡漢亦與荀彧同也

曰謂其與或志同或既死矣而攸則存焉是為殊致而

不同也哲智也言名教夫仁義不可

忠貞寄在此二子之身夫仁義不可

有以不明則時宗

舉其致

尊也致理也言仁義既明則時人尊舉其妙理

謂荀彧生理不可

有以不全故達識攝其契

善曰鶴賦曰相與弘道豈

生以匡時難故達識君子行其義事也

不遠哉

善曰論語子曰人能弘道非道弘人良曰崔言二荀相與廣此臣道豈不深遠哉弘廣也

生高朗折而不撓

善曰管子曰夫玉溫潤以澤仁也折而不撓勇也向曰崔琰也亦魏臣

也朗明折勇撓曲也所以策名魏武執笏霸朝者蓋以漢主當陽

魏后北面者哉

善曰鍾會與吳主書曰執笏之心載在名策左氏傳武子曰諸侯朝正於王王

宴樂之於是乎賦湛露則天子當陽諸侯用命也禮記曰君之南鄉荅陽之義也臣之北面荅君也濟曰言

琰有高明勇直之志義心匡漢所以策名入仕蓋為漢主當位魏君北面為臣不然則不苟求於魏氏也霸朝

謂漢也陽君位也后謂君也若乃一旦進壘君臣易位則崔子所五

有不與魏武所五臣不容善曰漢書曰羣臣謹奉天子

曰壘謂國壘也君臣易位謂魏武欲取漢位也崔子不與謂琰不許也太祖以琰有怨謗之詞遂賜死此則崔

子不許而魏武所不夫江湖所以濟舟亦所以覆舟仁

義所以全身亦所以亡身

善曰孫卿子孔子曰君者舟也人者水也水則載舟亦能

覆舟 銑曰仁義人之本故曰全身今琰以義見禍是所以亡身也如江湖濟舟亦所以覆舟也 然而

先賢玉摧於前來哲攘袂於後豈非天懷發中而名教

束物

五臣作拘

者乎

善曰漢書公孫瓚曰

攘袂而正議者獨大王耳 翰曰言先賢謂古者忠義之

士言以義見亡如玉之摧碎也來哲謂後智也亦以仁義舉袂而怒又以亡矣豈非自出天性之懷發於中心而名教拘束孔明盤桓俟時而動遐想管樂遠明風流

使至於此也

善曰蜀志曰諸葛亮每自比於管仲樂毅時人莫之許也唯博陵崔叔平潁川徐元直與亮友善謂為信然周易曰君子藏器於身待時而動琴賦曰體制風流莫不相襲 向曰蜀相諸葛亮字孔明也盤桓未進時也俟

待也亮未見用之時每自比才如管仲樂毅  
故達知此二人高風流於前代可師而行  
治國以禮

民無怨聲刑罰不濫沒有餘泣

善曰論語曰為國以禮  
孝經援神契曰得萬國

之惟心人說喜無怨聲蜀志曰廖立為長水校尉誹謗  
先帝於是廢立為庶人徙汶山郡聞諸葛亮卒垂泣曰  
吾終為左衽矣左氏傳聲子曰善為國者賞不僭  
而刑不濫 銑曰謂亮死國人皆泣也沒死也 雖古  
之遺愛何以加茲  
善曰左氏傳曰子產卒仲尼  
聞之出涕曰古之遺愛也  
及其臨

終顧託

五臣  
作命

受遺作相劉后授之無疑心武侯處

五臣  
作受

之無懼色

善曰蜀志曰先主於永安病篤召亮成都屬  
以後事謂亮曰若嗣子可輔輔之如其不才

君可自取亮涕泣曰臣敢竭股肱之力繼之以死又勅  
後主汝與丞相從事事之如父尚書曰成王將崩作顧

命班固漢書述曰博陸堂堂受遺武皇翰曰先主臨終顧託後事於亮亮受遺詔輔佐後主先主授之不疑於亮亮受之又無懼色此君臣不繼體納之無貳情百相疑阻也劉后先主也武侯亮也

姓信之無異辭君臣之際良可詠矣

善曰春秋元命苞曰繼體守文之君

不害聖人之主

向曰先主勅後主曰汝與丞相從事如事父而後主納亮之義無攜貳之情也繼體謂後主也言此君臣之間實可讚詠也際間良實也

公瑾卓爾逸志不羣

總五臣作總角

料主則素契於伯符

善曰吳志曰孫策字伯符江表傳策令曰周公瑾與我有總角之好

骨肉之分

毛詩曰總角卅兮

銳曰吳將周瑜字公瑾

卓爾高兒

良曰總角謂童子之髻也料度也孫策與

瑜同年少小總角之時常友善升堂拜母相度以義心合於策也伯符策字素猶心也契合也

晚節曜



奇則參分於赤壁

善曰吳志曰曹公入荊州權遂遣周瑜與備并力逆曹公遇於赤壁初一

交戰公軍披退

翰曰晚節謂壯年也曜奇謂用兵也奇策也參分謂參謀與分職於軍事赤壁江陵江口山

名謂瑜將兵破

惜其齡促志未可量

善曰吳志曰瑜還江陵於道疾卒時

年三十六

濟曰言瑜早卒故惜其年促其志深遠未可測量也

子布佐策致延譽之

美

善曰國語曰使張老延君譽于四方良曰張昭字子布亦吳臣也佐策謂輔佐立計策也

輟哭

止哀有翼戴之功

善曰吳志曰策薨以事授權權哭未及息張昭謂權曰孝廉此寧哭時耶乃狀

權上馬使出巡

軍士左氏傳叔向謂宣子曰文之伯也翼戴天子向曰孫策臨終以弟權託於昭昭率羣臣

立而輔之權悲哭未視事昭謂權曰方今天下鼎沸何得伏哀戚以肆匹夫之情乎權乃止陳兵而出也翼戴

謂輔佐也

神情所涉豈徒謬

五各

而已哉

善曰周易曰王臣蹇蹇匪躬之故史

記趙良謂商君曰千人之諾諾不如一士之謬謬東觀漢記載馮謝上曰臣無蹇謬之節而有狂替之言字書曰

謬直言也

曰謬正謬直也

然而杜門不用登壇受譏

善曰吳志曰權以公孫淵

稱蕃遣張彌至遼東拜淵為燕王昭諫權不聽昭忿言不用稱疾不朝權恨之土塞其門昭又於內以土封之江表傳曰權既即尊位諸會百官歸功周瑜昭舉笏欲褒贊功德未及言權曰如張公計今已乞食矣昭大怒伏地流汗登壇者謂即夫一人之身所照

五臣作昭

未異而

用舍

五臣作捨

之間俄有不同況沈跡溝壑遇與不遇者乎

善曰論語子曰用之則行舍之則藏漢書高祖功臣頌曰沈迹中鄉孟子曰志士不忘在溝壑漢書曰揚雄以

為遇不遇命也 向曰初昭之用也委以内外文武之事及其不用有此譏辱此則一人之身好惡所明亦未異也而用之則延譽捨之則譏辱須臾之間何其不同況沈棄於溝壑遇時與不遇也 夫詩頌之

作有自來矣

善曰家語孔子曰諸侯之有冠禮有自來矣 向曰有自古來也

或以吟

詠情性或以述德顯功

善曰子夏毛詩序曰國史明乎得失之迹吟詠情性以風其上頌者

美盛德之形容以其成功告於神明者也

雖大旨同歸所託或乖

銳曰雖詩頌大意同

歸其理所託之事或有乖異也

若夫出處有道名體不滯

良曰君子或出或處各得

其道出則進忠於君處則固節自守故曰名體不滯也

風軌德音為世作範不可

廢也

濟曰言古人善風高跡著其德音為天下作法度者不可廢而不述

故復撰序所懷

以五臣為之讚五臣  
無以作贊云

魏志九人蜀志四人吳志七人荀彧字文若諸葛亮字

孔明周瑜字公瑾荀攸字公達龐統字士元張昭字子

布袁渙字曜卿蔣琬字公琰魯肅字子敬崔琰字季珪

黃權字公衡諸葛瑾字子瑜徐邈字景山陸遜字伯言

陳羣字長文顧雍字元歎夏侯玄字泰初虞翻字仲翔

王經字承宗陳泰字玄伯

五臣本無此

火德既微運纏大過

平聲協韻善曰火德謂漢也班固漢書高紀贊曰旗幟尚赤協于

火德周易曰大過大  
者過也向注同  
洪颺扇海二溟揚波  
善曰揚披喻

洪大颺風扇動也二溟  
謂南溟北溟皆海也  
虬虎雖驚風雲未和  
善曰周易

風從虎向曰虬龍也雲從龍風從虎言未  
和者君臣未相應合也言驚者動而求應也  
潛魚擇淵

高鳥候柯  
善曰周書曰美為士者飛鳥歸之蔽於天魚  
鼈歸之沸於淵左氏傳曰仲尼曰鳥則擇木

木豈能擇鳥  
翰曰言臣之求君如游魚之擇  
淵飛鳥之求柯條也潛游也高飛也候求也  
赫赫三

雄並迴乾軸  
善曰潘岳為賈謐贈陸機詩曰三雄鼎足  
良曰赫赫威兒三雄謂三國之主也乾

天也言其競天下若運  
轉天軸萬物震動也  
競收杞梓爭采松竹  
善曰國語

木曰若杞梓皮革楚實遺之韋昭曰杞良才也孫子曰  
真人在冬則松竹也向曰杞梓木之良才也松竹貞

聖也並比於賢人也言三鳳不及栖龍不暇伏谷無幽

蘭嶺無亭菊

善曰香草善鳥皆喻賢也銑曰鳳龍蘭菊並比德英雄君子也言其在山谷之間

思濟時難故不暇栖伏也亭秀也言無者皆出見於時也英英文若靈鑒洞照應變知

微探賸

五臣作賸奇

賞要

善曰周易曰君子知微知章又曰探賸索隱鉤深致遠向曰此謂

荀或也文若字也英英鮮明兒洞通照明日月在躬隱

之彌曜

善曰莊子曰孔子圍於陳蔡之間太公往弔之曰子其意者脩身以明汙昭昭乎如揭日月而

行故不免也良曰言其明也彌益也

文明映心鑽之愈妙

善曰孫卿子曰君子通則

文而明窮則約而詳論語顏淵曰鑽之彌堅向曰言其有文也文明識理映於中心鑽而研之愈至於精妙

滄海橫流玉石同碎

善曰孟子曰當堯之時洪水橫流尚書曰火炎崐岡玉石俱焚銑

曰滄海橫流言天下逆亂也玉石同碎謂善人凶人俱見危難也

達人兼善廢已存愛

善曰孟子曰古之人窮則獨善其身達則兼善天下

謀解時紛功濟宇內

善曰老子曰解

其紛紛濟

始救生人終明風槩

古代反

善曰魏志曰太祖進或為漢侍中守

尚書令董昭等謂太祖宜進爵國公九錫備物以彰殊勲密以咨或或以為太祖本興義兵以匡朝寧國君子愛人以德不宜如此太祖軍至濡須或病留壽春魏氏春秋曰太祖饋或食發之乃空器也於是飲藥而卒

翰曰風槩節槩也謂公達潛朗思同著蔡

善曰法言曰

不順太祖取漢位也  
使知國若葵吾以疾為著蔡也  
良曰此胡荀攸也公  
達字也朗明也蔡龜也著以筮龜以卜言思慮潛明有

如卜筮預見其事也

運用無方動攝羣會爰初發跡邁此顛沛神

情玄定處之彌泰

善曰魏志曰荀攸與議郎何顒等謀殺卓垂就而覺收顒攸繫獄顒憂懼

自殺攸言語飲食自若會卓死得免班固漢書述曰子明光光發迹西疆蔡邕揚復碑曰景念不延邁此顛沛

也向曰言思慮運用而無極也動攝羣會謂統攝衆事也濟曰邁遇也顛沛亂也銑曰言其雖遇亂代神

情玄遠而有所定處之此時惛惛幕裏筭無不經

善曰魏志

益如通泰言其器量勇大也荀攸自從太祖征伐常謀謨帷幄時人及子弟莫知其所言左氏傳右尹革曰祈招之惛惛翰曰惛惛安靜

兒幕裏謂軍中也言在軍中籌筭事理無所不經也疊疊通韻跡不整停雖懷尺

壁顧晒連城

善曰史記趙惠文王得和氏璧秦昭王聞之使人遺惠王書願以十五城易璧向



曰壘壘進也言善謀所進如音樂聲韻通和而事跡不  
贅停滯也銑曰尺璧謂趙之和氏璧秦欲以十五城

易之者言攸之才可寶過於十知五臣能極五臣物愚  
五城之價故顧而哂之哂笑也作智

足全生善曰魏志曰魏國初建攸為尚書令從征孫權  
薨太祖每稱公達外愚內智外怯內勇外弱內

強不伐善無施勞知可及愚不可及新序溫斯子曰古  
者有愚以全身莊子曰可以全生向曰言其內智算

能及於物而外兒似愚能遠害全郎中溫雅器識純素  
身矣則其智可及其愚不可及也

善曰魏志曰魏國初建渙為郎中令莊子曰聖人貴純  
素之道唯神是守素也者謂其無所雜也純也者謂其

不虧其神也能體純素謂之真人向曰貞而不諒通  
此謂表渙也郎中官也純素謂與衆不雜

而能固恂恂德心汪汪軌度善曰論語子曰君子貞而  
不諒論語曰孔子於鄉黨

恂恂如也毛詩曰濟濟多士克廣德心范曄後漢書郭林宗曰黃叔度汪汪若千頃之波銑曰貞正也諒信

也言其能行正道邪言不信通達理物而志成弱冠道能堅固恂恂敬也汪汪大也軌則法度也

數歲暮善曰禮記曰人生二十曰弱冠韓詩曰蟋蟀在堂歲聿其暮薛君曰言君之年歲已晚也良

曰弱冠二十歲也數仁者必勇德亦有言善曰論語子曰有德者必

有言仁者必有勇濟曰言煥仁而能勇雖遇履虎神也太上立德其次立言謂煥言詞忠正也

氣恬然善曰魏志曰呂布擊袁術於阜陵煥往從之遂復為布所拘留布初與劉備和親後離隙布欲

使煥作書罵辱備煥不可再三強之不許布大怒以兵脅煥曰為之則生不為則死煥顏色不變笑而應之曰

煥聞唯德可以辱人不聞以罵使彼固君子耶且不耻將軍之言彼誠小人耶將復將軍之意則辱在此不在

於彼且渙昔日事劉將軍猶今日之事將軍也如一旦  
去此復罵將軍可乎布慙而止周易曰履虎尾不噬人  
亨列子曰至人者神氣不變 翰曰履虎尾喻危懼  
也言其雖遇危懼之時神氣不易也恬然謂安也 行

不脩飾名跡無愆

善曰班固漢贊曰雋不疑遂立名迹終始可述

脩而名跡無其愆失

操不激切素風愈

五臣作逾 鮮良曰志操不待激勸切磋自有純素

之風雖在濁世愈鮮明也

邈哉崔生體正心直天骨疎朗牆宇高嶷

魚力反

善曰蔡邕度侯碑曰朗鑒出於自然英風發於天骨論語子貢曰夫子之牆數仞 翰曰此謂崔琰

也天性疎通而明朗若牆宇高不可窺見其內也嶷高兒

忠存軌跡義形風色

善曰公羊

傳曰孔父可謂義形於色矣

銑曰謂曹公每欲思樹

芳蘭剪除荆棘

善曰芳蘭以喻君子荆棘以喻小人向曰芳蘭謂忠賢之士也樹立也荆棘

謂逆亂人也

人惡其上時不容哲

善曰左氏傳曰伯宗之妻曰盜憎主人

惡其上

翰曰人才在人上者人必惡之時

琅琅先生

雅杖名節雖遇塵霧猶振霜雪

善曰孔融薦禰衡表曰忠果正直志懷霜雪

良曰琅琅珠玉兒先生琰也言琰才如珠玉也杖持也

向曰塵霧謂恥辱也謂曹公怒琰罰為徒隸是耻辱

也曹公視之琰詞色無屈是振霜雪也

運極道消辟此明月

善曰魏志曰琰為中尉太

祖為魏王楊訓發表褒述盛德琰取訓表草視之與訓書有曰琰此書傲世怨謗者太祖怒於是罰琰為徒隸

使人視之辭色無撓太祖遂賜琰死周易曰小人道長君子道消濟曰天運窮極君子道消而曹公忌琰乃

殺之如碎明月珠也景山恢誕韻與道合善曰桓子新論曰老子其心玄遠而與道合

良曰此謂徐邈也景山字也恢誕大形器不存方寸海

納文摯謂叔龍曰吾見子之心矣方寸之地虛矣善曰周易曰形乃謂之器王輔嗣曰成形曰器列子

曰形器不存謂心存萬物不專存一理方寸之心如海之納百川也言其包含廣也和而不同通

而不雜善曰論語子曰君子和而不同莊子曰純粹而不雜良曰與時和光其道不同理通於衆其

心不遇醉忘辭在醒貽荅善曰魏志曰太祖時科禁斷酒而徐邈私飲至於沈醉枝

事趙達問以曹事邈曰中聖人達白太祖甚怒度達將軍解于輔進曰平日醉客謂酒清者為聖人濁者為賢

人邈性循慎偶醉言耳竟坐得刑文帝踐阼歷潁川典農中郎將車駕幸許昌問邈曰頗復中聖人不邈對曰

昔子反斃於穀陽御叔罰於飲酒臣嗜同二子不能自  
懲時復中之然宿瘤以醜見傳臣以醉見識帝大笑顧  
左右曰名不虛立後為光  
祿大夫薨向同善注  
長文通雅義格終始思戴元

首擬伊同耻

善曰尚書曰昔先正保衡作我先王乃曰  
子弗俾厥后惟堯舜其心愧耻若撻于市

不移 銑曰此謂陳羣也長文字也格至也言其義心終始  
濟曰戴輔也元首謂文帝也言其志比擬伊尹

佐輔愧耻不能致  
君如堯舜之德

民未知德懼若在必嘉謀肆庭讜言

盈耳

善曰魏書曰羣前後數陳得失羣為司空錄尚書  
事堯尚書曰爾有嘉謀漢書成帝曰久不見班生

今日復聞讜言論語子曰洋洋乎盈耳哉 翰曰言天  
下之有未知聞君德者是輔臣之過故懼若在已也

良曰嘉善也肆用也讜直盈滿也  
言善謀用於帝庭直言滿於帝耳  
玉生雖麗光不踰把

德積雖微道映天下

善曰言德喻玉 玄也言玉雖美麗光色不過一北

人內雖積德微薄天下所知也踰過也

淵哉泰初字量高雅器範自然標

從五臣准無假全身由直跡洿烏必偽處死匪難理存則

易

善曰魏志曰曹爽見誅徵夏侯玄為太鴻臚數年從太常中書令李豐謀欲以玄輔政誅大將軍以玄代

之大將軍徵聞事下廷尉玄臨斬東市顏色不變舉動自若班固漢書揚雄述曰淵哉若人實好斯文史記太史公曰非死者難處死者難 銳曰秦初夏侯玄字濟曰器量法度出於自然為人標望准的無所假借也

範法也

良曰全立也由欲也洿濁也匪非也言人之

立身皆欲正直及至履跡濁世必從虛偽而玄終始不

變衆姦所疾身臨誅戮辭色自若義心所切以為萬物

處死非難但正直理存死則易矣玄竟以此被誅

波蕩孰任其累六合徒廣容身靡寄

善曰范曄後漢書李熊說公孫述曰

方今四海波蕩匹夫橫議苟悅漢紀論曰以六合之大

一身之微而匹夫無所容豈不哀哉翰曰萬物波蕩

謂天下亂如波浪之沸蕩也孰任其累謂誰堪其敗也

言人共苦也向曰六合謂天下也靡無也言天下大

亂姦邪且衆故求明君以容其身竟無所寄託卒見誅戮君親自然匪由名教敬授

五臣既同情禮兼到善曰孝經曰資於事父以事母而

作愛既同情禮兼到愛同資於事父以事君而敬同

銑曰此謂王經也言君親至尊下之事上自天性之道

非由名教所策以為浮偽敬愛其君與父同也言經盡

善下之節烈烈王生知死不撓女教求仁不遠期在忠孝

情禮不失善曰漢魏春秋曰魏帝見威權日去不勝其忿乃召侍

中王沉尚書王經散騎常侍王素謂曰司馬昭之心路



人所知也吾不能生受廢辱今日當與卿自出討之世  
語曰王沉王素馳告文王尚書王經以正直不出遂被  
文王殺之魏志曰清河王經甘露中為尚書坐高貴鄉  
公事誅裴松之曰經字彥緯今云承宗蓋有二字也班  
固漢書述曰樂昌篤實不撓不融論語子曰仁遠乎哉  
我欲仁斯仁至矣 翰曰烈烈謂威勇兒王生謂經也  
撓曲也言求其仁不遠者必在忠孝之  
中得之矣言經忠孝仁道具於身也

玄伯剛簡大存

名體

向曰此謂陳泰也玄伯字也  
剛斷簡大也言能斷制大事

志在高構增堂及陞

善曰漢書賈誼上書曰人主之尊譬如堂羣臣如陞故  
陞九級上廉遠地則堂高陞亡級廉近地則堂卑高者  
難攀卑者易凌理勢然也 濟曰言其立志將欲大成  
帝功也高大構成增尊也堂喻君也陞喻羣臣也言泰  
志在尊崇其君及整  
治羣臣使有等差

端委虎門正言彌啟臨危致命盡

其心禮

善曰于寶晉紀曰高貴鄉公之弒司馬文王會朝臣謀其故太常陳泰垂涕入文王待之曲室

謂曰玄伯卿何以處我對曰誅賈充以謝天下文王曰為吾更思其次泰言唯有進於此不知其次文王乃久

不言為侍中轉左僕射薨左氏傳曰晏平仲端委立於虎門之外論語子張曰士見危致命良注同

銑曰

臨危難之間必致命盡死以存臣心盡禮正救於君也自荀彧至此並魏臣凡九人堂堂孔明基

宇宏邈

善曰論語曾子曰堂堂乎張也難與並為仁矣濟曰此謂諸葛亮也孔明字也堂堂盛兒基

宇猶器度也

器同生民獨稟先覺

善曰孟子伊尹曰天之生斯民使先覺覺

後覺也子天民之先覺者也

獨稟先寤之理知帝王之道可以為也

器形也覺寤也

標五臣從才 膀風流遠明管樂

善曰孫綽子曰聖賢極其標膀有大力矣蜀志曰諸葛亮

每自比於管仲樂毅時人莫之許也唯博陵崔叔平潁川徐元直與亮友善謂為信然 翰曰標榜諸葛見古

人之風流遠明管初九龍盤雅志彌確 苦角反善曰周穀之才以自比也 易曰初九潛龍

勿用何謂也子曰龍德而隱者也確乎其不可拔 潛龍也方言曰未升天之龍謂之蟠龍 句注同 百六

道喪干戈迭用

善曰漢書陽九厄曰初八百六陽九音義曰易傳所謂陽九之厄百六之會者

也 齊曰四千六百一十七歲為一元一百六歲曰陽九之厄言漢道喪亂遭此之厄迭避也干戈避用言亂

也 苟非命世孰掃

五臣 從土 雲 莫貢反 善曰孟子曰五

有名世者廣雅曰命名也爾雅曰天氣下地氣不應曰雲孔安國尚書傳曰雲陰氣也武功切今協韻音夢

良曰千年一聖人出五百年一賢人生聖賢未出其中有命世者謂亞於賢也孰誰也雲雲昏濁氣也以喻亂

也言亮若非命世之賢

宗子思寧薄言解控

善曰蜀志曰劉備漢

景帝子中山靖王後也故曰宗子也解控謂彼有急而

控告於已已能解之左氏傳王子伯駢曰無所控告杜

預曰控引也翰曰宗子謂先主也寧安也控急也言

先主思安天下故薄言求於亮以解海內懸急之災先

主漢之孫釋褐中林鬱為時棟善曰亮為丞相故曰時

故稱宗子釋褐中林鬱為時棟棟表茲後漢書郭林宗

與陳留盛仲明書曰足下諸人為時棟梁向曰釋去

也褐衣庶人之服言去褐衣棄林野鬱然而起為棟梁

之臣也鬱盛兒言其為士元弘長雅性內融善曰謝承

國之要如屋之有棟士元弘長雅性內融後漢書曰

嚴遵雅性高厲翰曰此謂龐統也士元字

也弘大長遠也言其思慮大遠也融明也崇善愛物

觀始知終喪亂備矣勝塗未隆先生標五臣之振起清

從才

風

善曰孟子曰親親而仁民仁民而愛物六端曰聖人見其所始則知其所終周易曰終以知始始以知終

胡廣書曰建洪德流清風銑曰備多塗通標立也言天下喪亂多時而勝殘去殺之道未能有盛者統之為

政乃立此道振古人之清風

綢繆哲后無妄惟時

善曰毛詩曰綢繆東薪毛萇曰綢繆

猶纓繇也周易曰無妄之行窮之災也良曰綢繆思密兒哲后謂先主也無妄惟時謂當窮災之時也易無

妄卦云無妄之行窮之災也

夙夜匪懈義在緝熙

善曰毛詩曰夙夜匪懈以事一人又

曰維清緝熙濟曰夙早匪非懈墮緝和熙明也言其早夜非敢怠墮義在和明政治以平天下

三略

既陳霸業已基

善曰蜀志曰劉璋既還成都先主嘗為璋北征漢中統說曰陰選精兵晝夜兼

道徑襲成都璋既不武素無備豫大軍卒至一舉便定此上計也揚懷高沛璋之名將各仗強兵據守關頭聞

數有賤諫璋使發遣將軍還荊州將軍未去遣與相聞  
說荊州有急欲還救之並使裴東外作歸形此二子既  
服將軍英名又喜將軍之去必乘輕騎來見將軍因此  
執之進取其兵乃向成都此中計也退還白帝連引荆  
州徐還圖之此下計也若沈吟不去將致大困不可久  
矣先主然其中計既斬懷沛還向成都所過輒剋為軍  
中郎將卒公琰殖五臣作植根不忘中五臣作忠正豈曰模五臣作模

擬實在雅性亦既羈勒負荷時命推賢恭已久而可敬

善曰蜀志曰琬為大將軍錄尚書事卒司馬遷書曰推  
賢進士為務論語子曰君子其行已也恭又曰晏平仲  
善與人交久而敬之翰曰此謂蔣琬也公琰字也植  
立根本模學擬比也言琬立性之本不忘忠正之道豈  
曰學比於古人實在雅性自然而有也銑曰羈馬絡  
頭也勒控也言琬既受祿秩以為要策如良馬之有絡

控奉君公衡冲善本達秉心淵塞媚茲一人臨難不惑

善曰毛詩曰秉心塞淵又曰媚茲一人應侯順德向

曰此謂黃權也公衡字也冲幽東執淵深塞實媚愛也

實愛於天子也言權用情幽達執心深疇昔不造假翽鄰

國善曰蜀志先主將東伐吳權諫曰吳人悍戰又水戰

順流進易退難臣請為先驅以當寇陛下宜為後鎮

先主不從以權為鎮北將軍督江北軍先主自在江南

吳將陸遜乘虛斷圍南軍敗績先主引退而道隔權不

得還故率將所領降于魏拜鎮南將軍濟曰不造謂

伐吳軍敗也假翽鄰國謂降魏魏拜為將軍蓋假借朝

夕而已非進能徽音退不失德善曰蜀志曰魏文帝謂

其欲也權曰君舍逆効順欲追

蹤陳韓耶權對曰臣過受到劉氏殊遇降吳不可還蜀無

路是以歸命且敗軍之將獲免為幸何古人之可慕先

主薨問至魏羣臣咸賀權獨否後為車騎將軍卒濟  
曰徽美也進能美音者謂嘗諫先主也退不失德者謂  
不得已降魏而志常在蜀也自  
諸葛亮至此並蜀臣凡四人  
六合紛紜民心將變鳥

擇高梧臣須顧眄

善曰左氏傳曰仲尼曰鳥則擇木木  
豈能擇鳥  
翰曰此謂周瑜也紛紜

亂也鳥謂鳳鳥也鳳擇梧桐而栖言為人君  
者擇地而都而賢臣須君顧眄乃為用也  
公瑾英達

朗心獨見披草求君定交一面

善曰崔寔本論曰且觀  
世人之相論也徒以一

面之交定臧否之決  
良曰公瑾瑜之字也朗明也獨  
見猶獨斷也  
銑曰披草謂出自草澤而求明君也定

交一面言一見不  
疑乃委而任之

桓桓魏武外託霸迹志掩衡霍恃戰

忘敵

善曰衡霍二山在吳之境  
向曰桓桓武兒霸迹  
謂漢朝也言其外託事漢以示天下而志欲掩取



吳國恃其戰勇輕忘吳敵也此所述魏武者欲明周瑜赤壁破魏軍之功也

卓卓若人曜奇

赤壁三光參分宇宙暫隔

善曰淮南子曰夫道絃宇宙而章三光高誘曰三光日月

星也

銳曰若人猶此人也言瑜破魏於赤壁也曜奇

謂曜明奇策也赤壁江口也參三也三分者言三國也

宇宙天下也隔謂各據一方

子布擅名遭世方擾撫翼桑梓息肩江

表

善曰吳志曰張昭彭城人也漢末大亂徐方士民多避難揚土昭南渡江孫策創業命昭為長史撫軍中

郎將升堂拜母如比肩之舊文武之事一以委昭班固

漢書述曰攜手遊秦撫翼俱起毛詩曰惟桑與梓必恭

敬止左氏傳鄭成公子駟曰請息肩于晉翰曰此謂

張昭也子布字也擾亂也良曰撫猶斂也言其如鳥

斂翼於鄉閭且不見其才能及避難於江

東遂投孫策也息肩謂安志也表外也王略威夷吳

魏同寶遂獻宏謨

五臣本  
獻作贊

匡此霸道

善曰應瑒釋寶曰  
九有威夷始失其

政史記商鞅曰吾說孝公以霸道其意欲之  
道也威夷險阻也吳魏先同起兵以平天下故云同寶

也贊助宏大也  
霸道謂吳也

桓王之薨大業未純把臂託孤惟賢與

親

善曰吳志曰孫策臨亡以弟權託昭率羣寮立而  
輔之東觀漢記張堪把朱暉臂曰欲以妻子託朱生

翰曰孫權即位追謚孫策為長沙桓王言策之薨時  
帝業未安而策把臂託昭以權為後也言以昭為親矣  
大業帝業也純安也輟哭止哀臨難忘身成此南面寔由老臣

善曰

吳志張昭謂權曰昔太后桓王不以老臣屬陛下而以  
陛下屬老臣良曰南面天子也寔寔也老臣謂昭也

才為世出

五臣  
作生

世亦須才

善曰蘓武荅李陵書曰每念  
足下才為世生器為時出

翰曰賢才為亂世而生亂世亦須賢得而能任貴在無才而靜亂言君臣相須乃成其業

猜昂昂子敬拔跡草萊荷檐

五臣從才

吐奇乃構雲臺

善曰吳志曰初

肅見權說權曰為將軍計惟有鼎足江東以觀天下之變然後建號帝王以圖天下陸機謝平原表曰振影拔

迹莊子曰農夫無草萊之事淮南子曰雲臺之高高誘曰高際於雲故曰雲臺向曰君不可猜於臣也銑

曰此謂魯肅也子敬字也昂昂出羣兒子瑜都長體性雲臺喻帝業之高也荷檐謂賤者之事

純懿諫而不犯正而不毅善曰都長謂體兒都閑而雅性長厚也謝承後漢書曰朱

皓德行純懿禮記曰事親有隱而無犯鄭玄曰無犯顏色諫也論語曰事父母幾諫也齊曰此謂諸葛瑾也

子瑜字也都美長善也良曰毅剛也將命公庭退忘言其能諫而不犯逆顏色正直而不剛

私位豈無鵠鵠固慎名器

善曰吳志曰建安二十年權遣使蜀通好劉備與弟亮但

公會相見無私面論語曰將命者出毛詩曰公庭萬舞毛詩曰鵠鵠在原兄弟急難左氏傳仲尼曰惟器與名

不可以假人私位謂兄弟之次也

伯言蹇蹇

五臣作蹇蹇音蹇

以道佐世出

能勤功入能

五臣作亦

獻替

善曰周易曰王臣蹇蹇匪躬之故國語史墨謂趙簡子曰夫事

君者諫過而賞善薦可以替不獻能而進賢向曰此謂陸遜也伯言字也蹇蹇直也出為將帥勤事而有功入則獻替其可否獻進也替廢也諸事有可者進之否者替之

謀寧社稷解紛挫銳正

以招疑忠而獲戾

善曰老子曰挫其銳解其紛吳志曰遜為丞相太子有不安之議遜上疏

陳太子正統宜有盤石之固魯王藩臣當使寵秩有差彼此得所上下獲安謹叩頭流血以聞書三四上太傅

吳榮坐數與遜交書下獄死權累遣中使責讓遜遜憤  
恚致卒銳曰寧安挫折也言折挫前敵之鋒銳也然

卒以正直招君主之元歎穆遠神和形檢五臣如彼白  
疑以忠鯁而得其罪

珪質無塵玷善曰毛詩曰白圭之玷尚可磨也斯言之  
玷不可為也東觀漢記杜詩薦伏湛曰自

行束脩訖無毀玷良曰此謂顧雍也元歎字也穆美  
也檢整也言其志思美遠神理清和形兒嚴整珪玉無

玷缺立上五臣以恒匡上以漸善曰吳志曰雍訪及政  
職所宜輒密以聞若見

納用則歸之上不用終不宜潔周易曰君子以言有物  
而行有恒翰曰言其德行有恒也匡正也正其君上

必以漸諫清不增絜濁不加染善曰言得清濁之宜也  
向曰清不增絜者謂

心清而不自恃故不絜也濁不加仲翔高五臣亮性不  
染者謂時濁而不隨邪故不染也

和物

善曰吳志曰翻性不協俗多見毀謗  
銑曰此謂虞翻也仲翔字也亮明也不和物謂不隨俗而易

性

好是不羣折而不屈屢摧逆鱗直道受黜嘆五臣作歎過孫

陽放同賈屈

善曰吳志曰翻數犯顏諫爭權不能悅權與張昭論及神仙翻指昭曰彼皆死人而

語神仙俗有仙人也權積怒非一遂徙翻交州班固漢書贊曰大雅卓爾不羣韓子曰龍之為蟲也擾柔可抑而騎然其喉下有逆鱗徑寸之虞若嬰之則殺人人主有逆鱗說者嬰之則不幾矣論語柳下惠曰直道而事人焉往而不三黜楚辭曰驥躊躇於樊輦兮遇孫陽而得代王逸曰孫陽伯樂姓名也孔叢子子高對魏王曰駕驥同轅伯樂為之客嗟玉石相揉和氏為之歎息漢書曰天子以賈誼任公卿之位絳灌之屬害之乃毀誼天子亦疎之以誼為長沙王太傅誼既適去意不自得及渡湘水為賦以弔屈原屈原楚賢臣也被讒放逐作

離騷誼追傷之因以自諭 濟曰性不容非故曰好是志多正直故曰折而不屈 翰曰屢摧逆鱗謂犯顏直

諫也黜謂遭棄逐也良馬比於賢人也孫陽古之善相馬者言賢臣不為君王所知乃遭遷逐則歎過於良馬之不遇孫陽也是同手賈誼屈原身沒於荒裔也上自周瑜至此並吳臣凡七人 詵詵衆賢千

載一遇

善曰毛萇詩傳曰詵詵衆多也使陳切千載一遇已見上文 向曰此摠述三國之美也詵詵

衆美 整轡高衢驥首天路

善曰鸛鵲賦曰蔚收整轡登樓賦曰假高衢而騁力鄒陽

上書曰蛟龍驤首奮翼枚乘樂府詩曰天路隔無期良曰良臣遇君如龍之整轡以游天路也高衢亦大路

也驤仰挹玄流俯弘時務

善曰毛萇詩傳曰挹欒也向曰玄天也臣仰君之流澤

也俯下也 弘安也

名節殊途雅致同趣

善曰周易曰殊塗同歸嵇康贈秀才詩曰仰慕

同趣 銑曰人之名節雖則 日月麗天瞻之不墜仁義殊迹事君之義亦同趣理

在躬用之不匱

善曰周易曰日月麗乎天禮記曰夫日月星辰所以瞻仰也非此族也不在祀

典呂氏春秋曰德行昭美比於日月不可息也論語比考誠曰仁義在身行之可強毛詩曰孝子不匱毛萇曰

匱竭也 翰曰日月著天下人瞻之不落 尚想遐風載仁義在人用之終身不匱也麗著墜落也

挹載味後生擊節懦夫增氣

善曰羊秀衛公諫曰仰瞻遐風重暉冠世魏畧王朗

荅太祖曰承宗之日撫掌擊節孟子曰聞伯夷之風者貪夫廉懦夫有立志 向曰言庶幾想衆賢之遠風也則挹其德味其道乃使後生之賢擊其節操懦弱之夫亦增其壯氣也

文選卷四十七